

सानसेयारि "बड'सा" खौरांलाइयाव  
अमाजयारि जिज्जो लोब्ला थानाय रायथाय, अन्थाय,  
अल', अल'बाथा आरो दावबायारि थावनि, पाके  
बाइदिनि आयाव लिन्नाय लिन्निदां दैथाय हर।  
सानसेयारि "बड'सा" खौरांलाइया सेबरानाबि  
फोसावगोन।

बड'सायाव लिन्नायवि हुदा खालाम,  
"बड'सा" खौरांलाइया, जो बयबो आंगो खालाम।

सानसेयारि बड'सा मावखुलि  
माइबं नोगार, जोहोलाव देमालु लामा  
कक्राझार, बिटास-783370  
Website: www.bodosanewspaper.com

# सानसेयारि बड'सा



## केबिनेट जथुमनि गेजेरजों माखासे गोनांथार थांखिफोरखौ लादों आसाम सरकारा

गुवाहाटी, 24 जून: गिबि मन्थि ड० हिमन्त बिश्व शर्मानि मासि सामलायनानै दैदेनायाव दिने गुवाहाटीनि जनता भवनआव मोनसे केबिनेट जथुम्मा जानानै थाडे। बे केबिनेट जथुमाव राइज्यो सरकार माखासे गोनांथार थांखिफोरखौ आजवानानै लानाय जायो। बे जथुमनि गेजेरजों थांखि लानाय माखासे गोनां आयदाफोर जादों फारिये 12 कौटि रनि ड्रग्स बोखानायाव पुलिसखौ हेफाजाव



खालामनाय आरो ड्रग्स फालांगिरफोरनि गुस जासिनायखौ नेवसिनायनि थाखाय हमगाई बरसिं बे खौ आसाम पुलिस बिफानाव कनस्टेबोल थिसन्नाय, राइज्योनि गामियारि ओन्सोलफोराव सरकारि फसंथानफोर लुफुनायनि थाखाय लेन्ड एक्वुजिसन कमिटिआ गनायथि होनायनि उनाव जिल्ला बेंगिरिफोरा हा जगायथिनो हागोन। बे बेलायाव राइज्यो सरकारनि काजोना बिफानसिम जायखि-जाया रेखोमनि फाइल खालामनो गोनांथि जानाय



बिजनी, 24 जून: चिरांनि बिजनी ओनसोलाव गेलेग्रा फोथार नायगिदिफेदों बि टि आरनि गेलेमु, हारिमु बिफाननि मावफुं सोद्रोमा दावबायसा बर' बिथाड। मावफुं सोद्रोमा बिथाड गिबियाव (Bijni District Sports Association)(BDSA)

थेंफाखि गेलेग्रा फोथार, बर' बाजार सिलबारनि अनजालि कलाव गेलेग्रा फोथार, मंग'लियान सामगामिनि गेलेग्रा फोथार आरो पानबारनि गेलेग्रा फोथारखौ नायगिदिफेदों। मावफुं सोद्रोमा बिथाड खौरांगिरिनि सिगाडव बुडेदि बिजनी ओनसोलाव गेलेग्रा फोथारफोरखौ फोसाबनो गोनां दं। गेलेग्रा फोथार फोसाबनो एबा फोजोखांनो थाखाय सरकारनिफ्राय राहा लानाय जागोन। बि टि आरनि लाइमोन

## डेकियाजुलि प्रेस क्लाबनिफ्राय गिबि मन्थिनो कभिड-19 नि थाखाय 15 रोजा सेक अनसुंथाय गथायदों

डेकियाजुलि, 24 जून: राइज्यो नाडैनो कभिड-19 महामारिया बारानिफ्राय बारा साग्लोबसारनायखौ नोजोर होनानै दिने फुनि 11.00 रिंगायाव सनितपुर जिल्ला बेंगिरि भुपेन चन्द्र दासनो डेकियाजुलि प्रेस क्लाबनिफ्राय 15 रोजा रनि अनसुंथाय सेक गथायो। जिल्ला बेंगिरि भुपेन



चन्द्र दासा बुंथिनय बादिब्ला गासै राइज्योनि जिल्लानिखुइ मोन 9 जिल्लायाव रेत जन फोसावजानायजों सनितपुर जिल्लायावो दाजबफादेरजादों। बिखायनो सनितपुर जिल्लानि बेंखननि बेंगिरिफोरखौ गोरा आयेनजों नोजोर होनो, माखासे बिफाननि मावखुलि, गलादारि, फालांगिफोरा भेक्सिन लानो थिननायजों लोगोसे गासै सनितपुर जिल्लानि राइजो-राजाफोरखौ कभिड-19 प्रटकल आयेनखौ मानिना सोलिनो थाखाय खावलाइदों। डेकियाजुलि प्रेस क्लाबनि आफादगिरि गलक बरा, नेहाथारि कल्पजुति नाथआ मोनथि होनाय बायदिब्ला आसामयाव राइज्यो

## कामरुप जिल्लानि दियागिरि मन्थिया जिल्लानि गासै बिधिनि सायाव सावरायलायदों

फैगौ 45 साननि गेजेराव जिल्लानि जेनाफोरखौ लाफानानै नोजोर लाइसि गथायनो खावलायदों



कामरुप/आमिनगाव, 24 जून: कामरुप जिल्लासिम फैब्ला आनि गोसोयाव मोनसे जिं गिसिनाय थासारि सोमजिखाडे। बे जिल्लायाव

तामुलपुर, 24 जून: तामुलपुर थुनलाइ-हारिमु आरो राजखान्थिनि फोथाराव आगान होनानै आसाम बिधान सभानि एम एल ए महरै बिसायख'जानाय एम एल ए लेहराम बर'आ थानाय 29 मे अक्ट'खालि अबधिरायै जिउ नागारदोंमोन। बिथानि सुजुगिरि महरै सायख'नानै गोसोखांथियाव तामुलपुरनि

राइजो-राजाफोरनि नाजानायव गांसे मान बाउनाय बिजाव फोसावनो बोसोन होदों। आधिखालाव मान बाउनाय बिजावखौ सुजुनो थाखाय सोलौंथायगिरि नारायन चन्द्र ब्रह्मखौ गाहाय बिवानगिरि आरो गनेस राभाखौ गाहाय सुजुगिरि महरै सायख'नानै

## गिबि मन्थिआ मुंदांखा समाजयारि मावथि रुंसारि शंकर चन्द्र दासनि नख 'राव दावबायहैदो

दिसपुर, 34 जून: आसामनि गिबि मन्थि ड० हिमन्त बिश्व शर्मांआ बावैसो सानफोर सिगां रुंसारि जानाय सासे गेदेमा सोलौंथायगिरि आरो समाजयारि

मावथि शंकर चन्द्र दासनि नख'राव दावबायहैनानै खौरां लाहैदों। नख'राव दावबायहैनानै गिबि मन्थि समाजयारि मावथि दासनि मुसुखायाव मान बाउनानै

बिथानि गोजोन जिउमानि थाखाय आबंलाउरिनाव आर'ज खालामो। लोगोसे दुखुथिया नख'रनि सोद्रोमाफोरखौ मोजां-गात्रिखौ लानानै सावरायलायो। बुलियाव गिबि मन्थिजों लोगोसे नलबारनि एम एल ए आरो गिबि मन्थिनि राजखान्थि नेहाथारि जयन्त मल्ल बरुवाआबो दंफायोमोन। उनाव खौरांगिरिफोरनि सिगाडव गिबि मन्थिआ बुडेदि, रुंसारि शंकर चन्द्र दासाव बरपेट जिल्लायाव बि जे पिखौ गोखों खालामनायाव गाहाय बिहोमा

## गिबि मन्थिया गुवाहाटीनि माडार्स अल्ड एज ह'मआव सोमजिनाय जाथायनि सायाव नायबिजिनो बिथोन होदों

दिसपुर, 24 जून: गुवाहाटीनि हातिगावआव थानाय माडार्स अल्ड एज ह'म सामब्लायथायनि बिथिडव लाश्रियै सोमजिनाय बेले-बेजेनि जाथाया गिबि मन्थि ड० हिमन्त बिश्व शर्मानि नोजोरखौ बोदों। मख'नो गोनांदि बे अल्ड एज ह'मनि सामब्लायथायनि बिबानाव थानानै सानै

बिबानगिरिफोरा सानैबो गुबुन सासेनाव सोनारलायनाय आरो सानैनि गेजेराव दावराव-दावसि सोमजिबाय थानायनि थाखाय अल्ड एज ह'मआव थानाय बोराय बैसोनि थागिरिफोरा गुबुन गुबुन जेनाफोरखौं मोगा-मोगि जाबोनांनय बाँ थानाय माखासे



गुवाहाटी, 24 जून: दिने आसाम केबिनेट जथुमआव सासे थार गोसोनि हमगाई बरसिं बेखौ आसाम पुलिस बिफानआव कनस्टेबोल महरै साखि थिसन्थाय महरै थांखि लानाय जादों। लोगोसे बावैसो सिगां 12 कौटि रं बेसेननि ड्रग्स हमनायाव हेफाजाव खालामनाय आरो ड्रग्स फालांगिरिफोरनि गुस होनाय गोबां बिबानि रंखौ लायाजासे नेवसिनानै गावनि थार आखुथायखौ दिन्थिनयनि थाखाय आसाम पुलिस बिफानआव बिथांखौ

## कक्राझाराव जिउ फोजोबना लानाय सासे सुबुनि गोथै सह' बोखांदों



कक्राझार, 24 जून: कक्राझार जिल्लानि कक्राझार पुलिस थानानि सिडव थानाय कक्राझार टि इस्टेट गार्डेन नं 7 लाइनआव दिने फासे बिफाडव फासि नांनय थासारियाव सासे सुबुनि गोथै सह' बोखांनो मोन्दों। जायगामि सुबुंफोर फोसामायनाय बायदिब्ला बे सुबुडा गावनि

बिसिजों नख'रारि जेंना सोमजिनायनि जाहोनाव बृहस्पतिवार सोरंसि समाव फासे बिफाडव दौलें आलाइना जिउ फोजोबना लादों। जायगामि सुबुंफोरा फु'बिलि समाव बिफाडव फासि नांनय थानाय गोथै सह'खौ नुनो मोनानयनि

## हटेलनि जाग्रा गुवा गोथों मैंग-डाइंगफोराव रंफुनानै फालांगि आफादरिफोरा बायगिरिफोरनो बिष फान्दों

कालाइगाव, 24 जून: जों गासैबो बायदि रोखोमनि गाब गोनां जाग्रा आदारफोरखौ मोजों मोनो। आधिखालाव गोबां सुबुंफोरानो हाथाय-बाजारफोराव साहा-ओंखामनि हटे लफोराव समायनायें

साजायना दोन्नाय बायदि गाब गोनां गुबुन गुबुन जाग्रा आदारफोरखौ जायो। नाथाय बेफोर बाइदि गाब गोनां आदारफोरा जोनि थाखाय मोनसे बिष। बेफोर बायदि गाब

## हिमन्त बिस्व शर्मा 25 जूननि थिरांथा

2015 मायथाइनिफ्राय बोसोफ्रमबो नभेम्बर दाननि 26 अक्ट' सानखौ भारतबर्षआ संबिजिर सान महरै फालिबोबाय थादों। 1949 मायथाइनि बै सानखालिनो भारतनि संबिजिर आफादआ भारतयारि संबिजिरखौ आजवादांमोन। बै साननि गोसो होथावना आरो संबिजिरनि गोग्गाथाययै हादरनि थागिबिफोरनि गेजेराव अराय गोसोखांजाथाव खालामनानै लाखिनो नरेन्द्र मदि सरकारआ 2015 मायथाइनिफ्राय बै सानखौ सरकारि भाबै फालिनो थाखाय थांखि लादोंमोन। हादरआ उदांसि मोनानयनि उनाव बै उदांसिनि गाहाम फिथायखौ हादरनि सरसनसना राइजोफोरनिसिम फोसावनानै होनो भारतारि दैदेनगिरिफोरा हादरखौ मुलुगनि देरिसन सुबुंखांथि हादर महरै गायसननो थै थाडै मावदोंमोन। गोबां हारि गाब आरो रावनि हादर भारतआव बयनिबो गेजेराव खौसेथिखौ रैखा खालामनानै लाखिनो सुबुंखांथि बादिदै साननाय हनायखौ बिथा खालामनानै मोनसे राजखान्थि रहा दाफुनायनि गुबुन लामा गैयामोन। भारतारि संबिजिरनि गाहाय महरिगिरि ॐ बि आर आम्बेडकारआ सुबुंखांथिनि बागे बिबुंथि होदोंमोन बिबि बुनानै- 'समाजारि सुबुंखांथिनि अनगायै राजखान्थियारि सुबुंखांथिया थावरिनानै थानो हाया। नाथाय समाजारि सुबुंखांथि माने जों मा बुजियो ? समाजारि सुबुंखांथिआ जादों ओंखादि मोनसे जिउनि हुदा, जेराव उदांसि गोहो आरो आंगोथिखौनो जिउनि गुबै मोन्थोर होननानै हमना लानाय जायो। भारतनि जारिमिनखौ फरयोब्ला

(मिथिनो नाजायब्ला) जों नुनो मोनोदि, गोजाम जुगनिफ्राय (गोदो गोदायनिफ्राय) भारता सुबुंखांथिखौ बेसेन्थि नोजोरजों फुजिबोदों। भारतनि गोजाम बे सुबुंखांथिखौ मान होनानै गिबिखेबनि थाखाय बेले-बेजे जादोंमोन गुबुननि सायाव सोनारनानै थानाय भारतआ इराज सरकारनि आखायाव। नैथि खेबनि बै बेसेन्थि गैयै आधिजों गाफलेनानै सुबुंखांथिखौ बुथारनायनि बिथा सोरजिदोंमोन इन्दिरा गान्धीनि दैदेनाय कंग्रेस दोलोआ। बै बिथिडव आम्बेडकारनि मोनसे बिबुंथिया रज'यो - 'मोनसे संबिजिरआ जेसेबांनो मोजां जायाथों मानो, बेखौ सुजुग्रा सुबुंफोर जुदि गाहाम नडा, अब्ला बै संबिजिरआ गात्रिसिम सोलायलांगोनानो। आम्बेडकारनि बै फंसे बिबुंथिआ गासैबो सैथो होनानै रोखा जादोंमोन। बै समाव जेब्ला इन्दिरा गान्धीनि खुंथायाव 1975 माइथायनि 25 जून अक्ट'नि हर गेजेरखालि हादतआव हरखाव हालोद (Emergency) फोसावनाय जादोंमोन। दा 2021 माइथाइ, बै जाथायनि 46 बोसोरनि उनाव जों सुबुंखांथि बुथारनाय बै गोसोम आयदाखौ मोनसे दुखुगोनां सिमां महरै गोसोखांदों। बुहमनि जारिमिन सुबुंथिनि गोबां दावगानाय-दावख्वायनाय लिरदों। गावनि गात्रि खांथिगैयै खुंथायखौ रैखाथि होनो गोबां गाव-गावनि गोसो बादिदै मावग्रा हादतनि दैदेनगिरिआ सुबुंखांथि बेसेन होग्रा फोथायथाव

## बिजनीआव गोदानै लुफुनाय साकोल मावखुलि बेखेवदों

बिजनी, 24 जून: चिरांनि बिजनीआव गोदानै लुफुजानाय साकोल मावखुलिखौ बेखेवना होयो बिजनी बियाबनि एम एल ए अजय कुमार राय बिथाड। बृहस्पतिवारखालि मोनसे थेलेब लेब हाबाफारिनि गेजेरजों बेखेवनानै होयो एम एल ए बिथांआ। मावखुलि बेखेवनायजों लोगोसे मोनसे फिसा मेलनि



गेजेरजों सिनायथिलायनाय हाबाफारिबो लानाय जायो। हाबाफारियाव बाहागो लायो बिजनी महकुमा बेंगिरि दिबाकर नाथ, 16 नं निस्सिमा बियाबनि एम चि एल ए जेम्स बसुमतरि, 17 नं सुबाइझार बियाबनि एम चि एल ए प्रभात बसुमतरि, बिजनी नोगोर कमिटिनि मासिगिरि गुनेश्वर गवरीआ।

# सुजुगिरिनि खोलोम

दानाय-लुनायनि फार्से बर'

आइजोफोरखौ सांग्रांथि लाखिनांगोन

बुस' हवै समनिफ्रायनो गामिआव इउजो जाबोनाय सुबुंफ्रा दानाय लुनायखौ गोनो आरिमु महरै गोबाना लाबोदों। बर' माहारिनि गेजेराव बाध्रा फंसे दइ: 'जाय हिन्जावया दानाय-लुनायव आखाय गैया बे हिन्जावखौ रवबो हाबा खालामा'। बाध्राया नंखाय नडा। गामिआव नख'फ्रोमबो साल-गान्देजों गोमसारनाय इसानसाली थानायमोन। मेसें बोथोर सौफेनाय लोगो-लोगो नख'र नख'र सि सौनाय, नो-खनाय, बेनि उनाव गान्देआव खुन्दु फाना सालाव दानाय। गामिआव हाबहेब्लानो नख'र नख'र खालथां, खालथां, माखु गाबनाय सोदोब खोनानो मोनायमोन। आधिखालाव नाथाय गामिफ्राव हाबहेब्लाना माखु गाबनायखौ बारा खोनानो मोनलिया। मानि जाहोनाव गामिनि आइजोफ्रा सि दानायखौ नागारनो लाखो, बेखौबो गोथोयै साननो गोनो जावया। गोदोफोर खुन्दुखौ गाव गाव बाइदि रोखोम मुवाजों गोमो, गोथां, गोजा, गोमो दाउदैं बाइदि रोखोम मुवाजों गाव गानानै सि दानायमोन। दानिया नाथाय, हाथायव मोनाय गोजा, गोथां, गोमो बाइदि रोखोम गामिनि खुन्दु बायना दखना, जोमग्रा सिमा, बाइदि बाइदि रोखोमनि सि दाबया। गोदो गामि गामि इन्दि बिफानि बागान खालामना एम्फौ फिनानै फिथोबनिफ्राय इन्दि, खुन्दु दिहना इन्दि सि दानायमोन। नख'यव जोमोनो दानानैवो गुबुनोबो फानहरोमोन। इन्दि सिनि बेसेना गोदोनिखुदु आधिखालाव गोबां बांसिनबाय। गोबां रोखोमनि इन्दि सि दानानै दिहनाो हाबला बेनिफ्रायवो गोबां रं मोनो हायो। बेजोंनो नख'रनि गथ'-गथायनो लेखा-बायनो गाननाय जोमनायखौबो जगार खालामनो हायोमोन। आधिखालनि सुबुंफ्रा नाथाय इन्दि सिखौ जोमाबालानो हाथायव मोनाय मनिपुरि जोमग्रा, काश्मीरि साल बाइदि बाइदि सि फोरखौसो बायना जोमसै। सिनि फालांगि खालामनो माखासे आइजोफ्रा दावगा बोनायखौ नुनो मोन्दों। आइजोफोरनि दानाय-लुनायनि आफादफोर दाना लानायबो नुनो मोन्दोंसै। बे रोखोमनि उर्ध्नि सेन्टायव दखना जोमग्रा बाइदि बाइदि सि दानानै हाथाय बाजारव फाननोबो लाबाय। गामिनि सिख्ताफ्रानो बे उर्ध्नि सेन्टारफ्राव जानो आन्थाल' रं लाना दानाय-लुनाय हाबाखौ मानवो हम्बाय। नाथय बेजों उर्ध्निनि सोद्रोमाफ्रा बेसेबां मुलाम्फा देखांनो हादों बेबो मोनसे साननो गोनो बाध्रा। नुनो मोननाय बादियैब्ला उर्ध्निनिफ्राय दिहनाजानाय सि-जोमखौ फाननार्थि थाखाय नांगोमानि गुवार रोखोमनि हाथाय गैया। नांगो रोखोमनि गुवार हाथाय गैयाब्ला उर्ध्निफ्रा थाना थानांगोआ गोब्राव। हादतनि बाइजोआवबो बे रोखोमनि हाथाय थानांगोन। जैरैखि जाया, माहारिनि हारिमु आरो आरिमुखौ फोथाना लाखिनायनि लामाखौ लानांगोन। बि.टि.सि. हालामनि बर' आइजोफ्रा गोदो-गोदयनिफ्राय सोलिबोनाय दानाय-लुनायनि आखुखौ फोथाना लाखिनांगोन। बिटिसिनि दैदनिगिरिफ्राबो गामिफोरनि आइजोफोरखौ थुलुंगा होनानै मानवानै जाग्रा सुबुंफोरनो गानग्रा दखना गांसनि खुन्दु खिनिखौ जगायना सोरकारा होनो हालानांगोन। आधिखालनि गामिफोरनि सुबुंफोरनि हाल-सालाम गहाम नलिया। जानाय-लौनायखौनो जगायनो गोब्राव जानायलाय गाननाय-जोमनायखौ मारै जगायनो हानो? जैरैखि जाया थानानै थानायनि राहखौ दैदनिगिरिफ्रा गामिनि सुबुंफोरनो लामा होनांगोन।

# दिनेनि फानजामुधि

**राशि बाइदियै मुनि गिबि हांखो**  
 मेष : अ ल वृष : ऊ ब (उ ए इ) मिथुन : क छ (ङ ङ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ङ झ)

-  **मेष:** मानिबा थाखाय गोसोखौ गोजोन्नाय गैयै मोननो हागौ। जेखियानो जाया गोसोखौ हम्था।
-  **वृष:** गोबां खामानि मावनांनानै देहाखौ खस्ट मोनखानो हागौ। गोसो हम्थानाया गहाम।
-  **मिथुन:** बोरैवाफोर हिन्जाव मोनफलांबायनो हागौ। नख'रव गोजनाय मोनगोन।
-  **कर्कट:** मन्दिरफोरव बहग होयोबा गोजोन्नायखौ मोननो हागोन। फारफोमथिबो मोजो।
-  **सिंह:** मानिबा थाखाय जिंजा सिनांनो हागौ। गोजोन्नाय गैयैजों समखौ हमार हननांगोन। गोसोखौ हम्था।
-  **कन्या:** सोरबा सिनायै सुबुंजों सोफे-सोफे खालाम जानो हागौ। जैरैबो सांग्रा जानानै थानांगोन।
-  **तुला:** माबा मोनसे मोजों दोहोन मोननो हागोन। दोहोना बांगोन। गोजोन्नाय मोनगोन।
-  **वृश्चिक:** बोरैवाफोर मेगना गात्रि जाबाय बायनो हागौ। सांग्राडै थानांगोन।
-  **धनु:** गोसोआव गोमगो सान्नाय-हनाय सोमजिनो हागौ। सान्नायखौ मावोबा जाफुनो हागौ। मोजों सान।
-  **मकर:** मानिबा जाहोनाव गोसोआ बोरनायबायदि मोनगोन। जैनायाव गोमलैनो हागौ। गोसोखौ हम्था।
-  **कुम्भ:** गोबाव समनिफ्राय आसा खालामबोनाया मोगथाडव जाफुंसागोन। गोजोन्नाय मोनगोन।
-  **मीन:** जानला-मोनला बाध्रा बुलाबायनानै जैनायाव गोमलैनो हागौ। हम्थानानै बाध्रा बुनाया मोजों।

# भारतनि उनाव इउर 'पआव करनानि डेल्ट भेरिएन्टआ गोसारदों

गोदान दिल्ली, 24 जून : भारतआ साग्लोबसारनायनि उनाव करना भाइरसनि डेल्टा भेरिएन्टआ आधिखालाव इउर'पिय हादतआव गोखैयै गोसारदों। इउर'पिय इडनियननि बेरामखौ सामलायग्रा एजेन्सिआ सांग्रांथिखौ फोसावनानै बुंदोंदि, फैनो गोनां सानफोरव 90 जौखोन्दो गोदान केसआ डेल्टा भेरिएन्टनि जागोन। डेल्टा भेरिएन्टखौनो भारतआ करनानि नैथि दोहौनि थाखाय दायनिगिरि फोरमायनाय जायो, जाय गोबां गिखंथाव जादों। भारतआव सानसेयाव 4 लाखनिफ्रायबो बांसिन केसखौ थिसन्नाय जादोंमोन। इउर'पियान सेन्टार फर डिजिज प्रिभेन्सन एन्ड कन्ट्रलनि डाइरेक्टर एन्ड्रिया एम्सनआ बुंदों, गोबां जानो हाथावदि डेल्टा भेरिएन्टआ गोलोम बोथोरव गोखैयै गोसारगोन। जरखा महरै लाइमोनफोरनाव जा, आधिखालाव भेक्सिन थुनाय हाबाफारियाव बाहागो लायाखै। डेल्टा भेरिएन्टआ नैथि भेरिएन्टफोरनि रुजुनायाव बांसिन गिखंथाव आरो आसा खालामनाय बायदिब्ला इउर'पिय इडनियनआव आगस्टसिमाव बेयो 90 जौखोन्दो केसफोरनि थाखाय दायनिगिरि जागोन। इसिखसिनि हमदांनाय बायदिब्ला डेल्टा भेरिएन्ट (बि.1.617.2) आ अलफा भेरिएन्टनि गासै 40 निफ्राय 60 जौखोन्दो बांसिन गिखंथाव। अल्फा भेरिएन्टखौ

बयनिबो सिगां इउकेयाव मोन्दोंमोन। इउर'पिय इडनियनआव आधिखालाव बांसिन केसआ भेरिएन्टनि जाहोनाव जादों। एजेन्सिआ बुंदोंदि, आगस्टनि जागायजेन्नायनि सिमाव इइउआव 70 जौखोन्दो केस डेल्टा भेरियेन्टनि जाहोनाव जागोन, जाय दाननि जोबथासिमाव गासै केसफोरव बेनि बाहागोआ बांनानै 90 जौखोन्दो जाहैगोन।



थिसन्नाय जादों आरो इक्विपमेन्टसनि मदतजों गासै 30 बेरामिफोरनि फाहामथायखौ होनाय जाखोबाय। करनानि गिबि दोहौनिफ्रायनो अमिताभ बच्चनआ लान्थियै गोहोम गोमलै जानायफोरखौ मदत खालामदों। थानाय दानआवनो बियो दिल्लीनि गुरु तेगबहादुर कभिड केयार सेन्टारनो 2 कौटि रॉनि हेफाजव हरदोंमोन। बे दान हरनायनि खोरंखो दिल्ली सिख

# बेकियाजुलि प्रेस क्लाबनिफ्राय गिबि मन्थिनो कभिड-19 नि थाखाय 15 रोजा सेक अनसुंथाय गथायदों

(□ 1 बिलाइनिफ्राय) नांडेनो करना महामारिजों गोबां सुबुंनि जिउ ख'हा जानायखौ नुनो मोनबोगासिनो दं आरो गोबां सुबुंझ करना महामारिजों गाग्लोब जानानै कभिड बादयाव देहानि जोथोन लाहैनो गोनां जादों आरो माखासेया नख'र-नख'रव दरख' फांथेनानै थानो गोनां जादों। लोगोसे सनितपुर जिल्लायाबो आसाम राइज्योनि जिल्लानि मादाव रेड जन सरजावजादों। बिनिफार्से गासैखौबो नोजोर होनानै बेकियाजुलि प्रेस क्लाबा गासै सोद्रोमाफोरनिफ्राय अनसुंथाय रं खानानै गासै 15 रोजा आसाम सरकारनि गिबि मन्थिनि बैंक एकाउन्टयाव जिल्ला बेंगिरिनि गेजेरजों रं अनसुंथाय होनाय जायो। जिल्ला बेंगिरि भुपेस चन्द्र दासनो बेकियाजुलि प्रेस क्लाबनि जानानै गथायदोंमोन आफादगिरि गलक बरा,नेहाथारि कल्पजुति नाथ, मावफुं आफादगिरि तपन चक्रवर्ति सोद्रोमा दिलिप नाथ आरो सोद्रोमा सनि देमारि (बड'सा)।

# मान बाउनाय बिजाबनि थाखाय लिबिदां हांखायहरदों

(□ 1 बिलाइनिफ्राय) बिबान होदों। सुजु आफादा दिने गांसे रादाव बिबुंसारनि गेजेरजों मिथिहोदोंदि लेहराम बर'नि सोलेंथाइयारि, समाजारि, हारिमुआरि आरो गोदानै बिसायख'जानाय सासे एम एल ए महरै बिथानि बांबा गाबगोनं जिउनि सायाव बिथानि गुबुन गुबुन बिथनि हेफाजाबगिरि आरो सासे गहाम हास्थायगिरि महरै मोन्दोथिफोरनि लिबिदां हांखायहरदों। लिबिदांफोरखौ फैगौ 31 जुलाईनि गेजेराव सुजु आफादा मोननो हानाय बादियै दैथायहरनो सुजु आफादनि गहाय सुजुगिरि गनेस राभाया खावलायहरदों। लोगोसे 9101207956 नम्बराव फोनांजाव खालामनो खावलायहरो।

# कक्राझाराव जिउ फोजोबना लानाय सासे सुबुंनि गोथै सह' बोखांदों

(□ 1 बिलाइनिफ्राय) उनाव लोगो-लोगो पुलिस बिफाननो खौरं हरो। पुलिसआ हरखाबै जाथायथिलियाव सौहैना गोथै सह'खौ बोखाडो। जिउ फोजोबना लानाय सुबुंखौ कक्राझार डि इस्टेट गार्डेन 7 नं लाइनि थागिबि करुना रय (37) होनानै सिनायथिनाय जादों। करुनाया कक्राझार जिल्ला आक्रासुनि सासे बारा' दैदनिगिरिबोमोन। एरैहाय जायगानि सुबुंफोर बे जाथार्थनि सायाव सं दानो थाखाय पुलिस खुंथार्थनिमि दबि खालामो। रंसारि रयआ माखासे दानफोर सिगांल' जुलि जादोंमोन आरो नख'रि जैना जाहोनि थाखाय जिउ फोजोबना लानायनि सन्देह' खालामदों। एरैहाय सं दानो थाखाय पुलिसआ रयनि बिसि तुलु बर्मनखौ खायो। जाथार्थनि सायाव सं दाननाया सोलिगासिनो दं होनानै पुलिसआ फोरमायदों।

# हमगार्ड बरसिं बे खौ पुलिस बिफानआ कनस्टेबोल महरै थिसनसिगोन

(□ 1 बिलाइनिफ्राय) कनस्टेबोल महरै थिसननायनि थांखिखौ लानाय जादों। आसामनि डि जि पि भास्कर ज्यति महन्तआ आयेन बेरेखाय एबा समाज बेरेखा हाबाफारिनि हेंथायै हाबाफारि जागायनायाव पुलिस बिफानखौ दैदनेलानाय जाफुंसार खालामनायनि थाखाय बरसिं बे नो 1 लाख रं बान्था महरैबो होनाय जादों। मख'नाय जायोदि, थानाय 21 जुनखालि बरसिं बे आ कार्बि आंल जिल्लानि डिलाइनि मोनसे सेकपइन्टआव डिउटि खालामबाय थानाय बुक्कियाव गंसे ट्राक गारिखौ सिग्रांमदोंमोन। बुक्कियावनो हमगार्ड बरसिं बे नो ड्राम फालांगिरिफोर गोबां बिबानि रं गुस जासिन्दोंमोनब्लाबो नाथाय बिथाड नेवसिनानै 12 कौटि रॉनि ड्राम बेसेनखौ हम्थानाय जाफुंसार खालामदोंमोन।

# काश्मीरनि फ्राय आर्टिकेल 370 खौ बोखारनायनि उनाव गोबां सोलायनाय फैदों

जम्मु-काश्मीर, 24 जून: जम्मु-काश्मीरनिफ्राय आर्टिकेल 370 खौ बोखारनायनि बोसोरनै उनाव गहाय मन्थि नेस्ट्र मदिआ बृहस्पतिवारखालि राइज्योनि मोन 14 दोलोफोरनि दैदनिगिरिफोरजों लोगोसे मेल खुंदों। बे मेलआव जम्मु-काश्मीरनिफ्राय राजखान्थियारि दावराव-दावसि खौ फोजोबनायनि सायाव सावरायनाय जायो। बेजों लोगोसे मिरुजों खुंजानाय राइज्योनिफ्राय गोदान राइज्योनि

बिबुं होनाय आयदानि सायावबो सावरायो। थानाय 2019 नि 5 आगस्टआव मिरुआ जम्मु-काश्मीरनि स्पेसेल स्टेटसखौ फोजोबनानै राइज्योखौ दरनै मिरुजों खुंजानाय राइज्योफोर जम्मु-काश्मीर आरो लादाखआव बोखावदोंमोन। बेनि उन्ननिफ्रायनो राजकांथियारि थासारिआ अरयथा नडै थासारि जादोंमोन। बांसिन गिदिर दैदनिगिरिफोरखौ बेंखन्थायाव लाखिनाय जायो। माखासेखौ पब्लिक सेफिट एक्ट (पिसिए) नि गेजेरजों जम्मु-काश्मीरनि बाइजोआव थानाय जेलफोरव दै थायहरनाय जायो। आधिखालाव मदिनि लोगो हम्थानायखौ मिरुनि फार्सेनिफ्राय जम्मु-काश्मीर आ व जमहुरियतखौ लाखिलांबाय थानो थाखाय गासै दोलोफोरजों सावरायनो नाजानाय महरै नोजोर होनाय जादों। आर्टिकेल 370 खौ बोखारनायनि साननै सिगां मिरु सरकारआ बाइजोयारि सुबुंफोरखौ काश्मीर नागारनो बिथोन फोसावो। बेनि उनाव रोजा-रोजा दावबायारि, गुबुन राइज्योयारि लेबाफोरि आरो फरायसाफोरा काश्मीरखौ नागारनानै थाडो। होबथानायनि जाहोनाव 5.20 लाख दावबायारिफोरनि थालाय-फैलायाव गोहोम गोमलैयो। गोबां फालांगि, केव ड्राइभार, फिसा-फिसौ मुवा-बेसाद फानग्रा आरो गावयारि बिथिनि मावसुमाफोरा खामानि गैयै जायो। थानाय 2019 नि डिसेम्बरआव काश्मीर सेम्बार अफ कमासै एन्ड इन्डास्ट्रीजआ गावनि मोनसे इकनमिकेल रिपर्टआव फोरमायनाय बादिब्ला, काश्मीरनि रंखांथि राहाया 17,800 कौटि रॉनि खहा जायो। 2019 नि आगस्ट आरो अक्टबरनि गेजेराव 4.9 लाख साखिफोरा थाडो। बेयो राइज्योनि थाखाय जोबोद गिदिरि खडामोन। मिरुनिफ्राय खुंनाय सरकारआ राइज्योनि इनफ्रास्ट्रक्चर डेभलपमेन्टनि सायाव नोजोर होयो। बेनि गेजेरजों रंखांथि बोसोर 2021-22 आव 4545.06 कौटि रॉनि मोन 1235 बिथांखिफोरखौ आबु खालामनायनि थांखि लानाय जादों। बेनि अनगायै 7110.78 कौटि रॉनि गासै 2357 बिथांखिफोरनि गेजेराव 1555.16 कौटि रॉनि 1100 बिथांखिफोरखौबो आबु खालामखांबाय।

# काश्मीरनि गोजाम शिल्पफोरखौ मुलुगनां थाखोआव सिनायथि होनो सरकारआ हाबा मावदों

बाजारआव फाननो हायो। जम्मु-काश्मीरनि आखाइजों बानायनाय आरो आखाइजों दानाय दिहन्थायफोरखौ एमेजन आरो प्लिकफार्ड बायदि मुलुगनां जौसाडाव दिन्थिनाय जादों। सरकारआ जम्मु-काश्मीरनि लाइमोनफोरनिमि सौहैनो थाखायबो बिथांखि आजावदों। जम्मु-काश्मीरनि गंफ्रोमबो पन्चायतआव लाइमोन एबा इयुन जोलैनि गासैबो जैनाफोरखौ जानगर खालामनो थाखाय गंसे यउत क्लाबबो थगोन। गिबि खोलोबआव गं 4290 पन्चायतफोरव सा 22,500 लाइमोनफोरखौ थिसन्नाय जागोन। सरकारआ बे हाबाफारिआव 12 कौटि खरसा खालामदों। सिभिल सार्पिस, गुबुन इन्ट्रेन्स अन्जादफोरनि थाखाय कचिं लानो हानायबादि जम्मु आरो श्रीनगरआव गनै गोदान मुगानि कचिं सेन्टार थाबैनो खुलिनानै होगोन। सरकारआ जर'खायै थियारि खालामनाय स्वर'जगार यजनानि गेजेरजों डेस्टेल सर्जन, पेराभेडिक्सनो रंखांथि मददबो जगायनानै होगोन। लेडाइ राइज्यो बेंगिरि मनज सिन्हाया फोरमायदोंदि, राइज्योनि मख'जाथाव बेक टु भिलेज प्रगामनि उन्ननि फेजआव सरकारआ 50 रोजा लाइमोनफोरनो खामानिनि थाखाय रंखांथि मदद होनाय जागोन। बेनि प्लेनआ थाबैनो सोराडाव फै गोन। बेजों लोगोसेनो गावसोर 25 रोजा साखि होनायनि खोथावो

होदोंमोन होनानै सिन्हाया बुंदों। दासिमआव गुबुन गुबुन बिफानपौरव थिसनो थाखाय 18,000 भेकेन्सफोरनि रिक्कु इटमेन्ट फोसावनाय जाबाय। जम्मु-काश्मीरनि सुबुंफोर जर'खायै लाइमोनफोरखौ गोहो गोर खालामनो सानो। बेवहाय गिबियै सुबुंखान्थिनि गहाम फिथाइखौ नुनो मोन्दों। रंखांथि जैनानि गेजेरावबो राइज्योआव मोब्लिब राहाखौ साबसिनै खालामनायनि थाखाय बोसोरप्रोमबो 3,500 कौटि रॉनि बाजेट लाखिनाय जादों। राइज्योआव ट्रेन्समिसन डिस्ट्रिब्युसन नेटवर्क आरो प्रडाक्सन केपासिटिखौ गोखौ खालामनो थाखाय हाबा मावनाया 24 घन्टा सोलिगासिनो। बेनि फिथाइखौ गोजां बोथोरव नुनो मोननाय जादों, जेल्ला गिबियै काश्मीर हायेनआव सुबुंफोरआ बरफ गोमलैनाय समावबो जैना गैयालासे जेल्लाबो मोब्लिब मोननो हादोंमोन। फैगो 4 बोसोरनि गेजेराव राइज्योआव 3,500 मेगावार्टनि यजनाफोर मोगथां महर मोनगोन।

# हटेलनि जाग्रा मुवा गोथां मैंग-थाइंगफोरव रं फुन्नानै फालांगि आफादरिफोरा बायगिरिफोरनो बिष फान्दों

(□ 1 बिलाइनिफ्राय) गोनां आदारफोरा जॉनि देहाखौ खहा खालामो। माखासे फालांगियायि आबादारिफोरा रं बाहायनानै दिहन्नाय जाग्रा आदारखौ समायना खालामो। बेबायदियैनो गोथां मैंग-थाइंग, फान्थाव, भेन्दि, दालि, हालदैं, फुलकफि, धुन्दिया, लाउ, जिंखा बायदि मैंग-थाइंगफोरव रं बाहायनायनि मिथिथायखौ मोननो हादों। हरसेनि गेजेरावनो फोमोननाय बेफोर मैंग-थाइंगफोरखौ जानाया सुबुंफोरनि देहानि फार्से खहा लाबोदों। बेनि थाखायनो भुटानआ आसामनि मैंग-थाइंगफोरखौ नाजवाव लाया। मिथिनो मोननाय बादिब्ला जाग्रा आदार एबा गोथां मैंग-थाइंगफोरव बाहायनाय बे रडव क'लटार आरो कासिन, जेनिक मुवा थायो जाय सुबुंनि देहायाव केन्सार बेराम सोर्जिहोयो। बेबायदिनो बायदि गाव गोनां मेथायफोरव मेटानिल, इयेल रादामाइन-बि बायदि रड जॉनि देहायाव गोब्राव बेराम सोर्जिहोयो हायो होनानै सावसि बिगियानारिफोरा सुलुङ फोरमायदों। फान्थावआव कार्बिफउरन मुनि मुवा, फुलकफियाव फसफमिडन-2, मिथाइल पेराथिन-3, हालदैंयाव क्रुमेट मुनि रासायनिक रं बाहायनायनि थाखाय मेलेमारि बेराम, गोबोंआव गथ' थायै बायदि बेराम सोमजिनो हायो होनानै बिगियानारि सुलुङ फोरमायो। बेबायदिनो हाथाय-बाजारफोरव उदाडे बानायनाय मेथाइ-जुलाफि बायदि मेथायफोरव बाहायनाय रड सुबुंनि देहायाव एलार्जि सोमजिहोयो हागौ। बेनि अनगायैबो गाव गोनां प्लास्टिकनि म'नाफोरवबो देहानि खहा खालामो। आधिखालाव रासायनिक हासार, एम्फुनि मुलि, आदाराव गलायग्रा रंफोरनि थाखाय सानफ्रोमबो गुबुन गुबुन रोखोमनि बेरामफोरा बांबोनो हम्दों आरो बायदि बायदि बेरामजों भुगिनांनानै थैनायनि हाराबो समानै बांबोनो हम्दों। सिगांनि समफोरव आबादारिफोरा न'आवनो हासार बानायनानै आबाद खालामबोदोंमोन। आधिखालाव हाथाय-बाजारनि मैंग-थाइंग, मेथाइफोरव रासायनिक हासार आरो रं बाहायनायनि जाहोनाव गेष्टिक, डाइबेटिस, केन्सार, लोमजानाय-जन्डिज, उन्दै बैसोयावनो खानाय गुफुर जानाय, प्रेसार बायदि बेरामफोरा बांबोनो हम्दों।

# गथ'फोरनि रैखाथिखौ लानानै बिमा-बिफाया जिंगा सिदों, बांसिन बिमा बिफाया फरायसालियाव दैथायहरनो थियारि जायाखै

गोदान दिल्ली, 24 जून: बांसिन बिमा बिफाया आधिखालाव गथ'फोरखौ फरायसालिआव दैथाय हरनो थियारि जायाखै। हादतनि गुबुन गुबुन ओन्सोलफोराव साभं खालामनाय बायदिल्ला 76 जौखोन्दो बिमा बिफाफोरनि बुंदोंदि, जेब्लासिम बिसोरनि जिल्लायव करना इनफेक्सन गोसारनायनि केस फैनाया बन्द जाया एबा गथ'फोरनि भेक्सिन थुनाय जाया अब्लासिम बिसोरो गथ'फोरखौ फरायसालिआव दैथाय हरनो थियारि नडा। मख'नो गोनांदि, हादतआव करानानि नैथि दोहौआ सोलिगासिनो दड आरो 3 थि दोहौ फैगोनखौ फुरा सन्देह खालामदों। बेखौ नोजोर होनानै गसिबो बर्डफोरो 10 थि आरो



12 थि थाखोनि बर्डनि आन्जादफोरखौबो दोन्थ'नाय जादों। बेबायदियाव बिमा

बिफाफोरनि जिंगायाबो बांदों। अन्जिमाजों रुजुयोब्ला जुदि 9 दान सिगांनि गथ'फोरखौ फरायसालिआव

दैथाय हरनायखौ लानानै थियारि जानाय बिमा बिफाफोरनि अन्जिमाया 69 जौखोन्दोनिफ्राय दावखलायनानै 20 जौखोन्दो जाबाय। लकेल सार्किस्सनि साभंनि सायाव बिथा खालामनानै बे सप्ताहयाव सरकार आ गावनि डेली ब्रिकिंआव फोसावदोंमोनिदि, आधिखालनि थासारियाव फरायसालिखौ खुलिनाया जेना गोनां जादों। सरकारनि बायदिल्ला जेब्लासिम हादतनि बांसिन सुबुंफोरनाव भेक्सिन थुनाय जाया अब्लासिम फरायसालि खुलिनाया जेना गोनां जागोन। फार्सेंथिं एक्सपार्टनि बायदिल्लाबो फरायसालि खुलिनायजों हादतआव करानानि केसआ

बांगोन। मख'नो गोनांदि, गिबि दोहौनि रुजुनायाव नैथि दोहौनि गोहोमखौ गथ'फोरनाव बांसिन नुनो मोन्नाय जादों। फार्सेंथिं जेब्ला 3 थि दोहौखौ लानानै सन्देह खालामनाय जादोंब्ला फरायसालि खुलिनाया आरोबाव बांसिन जेना गोनां जानो हागौ। सीरम इनस्टिटुट अफ इन्डियाआ जुलाइनि दानआव गथ'फोरनि सायाव भेक्सिननि आन्जाद नायनायनि यजनायखौ बानायदों। बेनि अनगायै भारत बाय'टेकनि मोन 2 भेक्सिननि आन्जाद नायनायाव सोलिगासिनो दड। फार्सेंथिं जायडसनि करना भेक्सिन 12-18 बोसोर बैसोनि गथ'फोरनाव आन्जाद नायनाय जाखांबाय।

## करना भेक्सिनखौ लानानै गोनो-गोथो सान्नायफोरखौ जानगार होनो सनिया गान्धीआ बिथोन होदों

गोदान दिल्ली, 24 जून: कंग्रेसनि आफादगिरि सनिया गान्धीआ हादरआव करना भेक्सिन थुनाय हाबाफारिआ लेहेम जानायखौ जिंगा सियाय फोरमायदों। बृहस्पतिबाराखालि डिजिटेलनि जथुमआव बियो पार्तिनि गाहाय नेहाथारिफोरखौ बुडोदि, भेक्सिनखौ लानानै सुबुंफोरनि गोनो-गोथो सान्नायखौ जानगार खालामनायनि हाबा मावनांगोन। लोमोसे भेक्सिनआ आदि जाया बेखौबो रोखा खालामनो बुडो सनिया गान्धीआ। बे जथुमआव सनिया गान्धीआ बुडोदि, जर'खाफोरा माखासे दाननि उनाव थामथि दोहौ जानो हागौनि बाश्रा बुंदों आरो बे समाव उन्दै गथ'फोरनियावबो गाजि गोहोम गोग्लैनायनि इसार होदों। बेनि सायावबो नोजोर होनाया गोनांथार आरो गोहोम गोनां थांखि आजावनांगोन, जाहाथे उन्दै



गथ'फोरखौ बे खैफोदनिफ्राय रैखाथि होनो हायो। बे इन्फेक्सनआ फिन गोब्राव जाफिनोब्ला बेजों गोहोम गोनाडै जुजिनो थाखाय गुन गोनां थांखि आजावनांगोन। थांयाय नै दानफोराव बे इनफेक्सननि नैथि दोहौआ हादरनि लाख-लाख नख'रफोरनि थाखाय सिलिंखार खालामग्रा जानानै फैदों। जों बे खैफोदजों भुगिनांनयनि मोन्दांथिनिफ्राय सोलोनानै लानो नांगौ, जाहाथे फिन बेजों गिखंथावे गाग्लोबजाया। बे जथुमआव सनिया गान्धीआ पेट्रल-डिजेलनि बेसेन बांबाय थांयाय बायदि आयदाखौ लानानैबो मिरु सरकारखौ थांखिनानै बाश्रा बुडो। बियो बुडोदि, थावनि बेसेनआ बारायबाय थांयायजों सरासन्ता सुबुंफोर बेसेबां खैफोदआव गोलेनांदों बेखौ बयबो मिथिबाय। आबादारिफोर आरो लाख-लाख नख'रफोरा बेजों बेसेबां जेना जानांदों बेखौ सोराडव लाबोनो थाखाय सोमावसारनाय हाबाफारि लानाय जादों। नाथाय थावफोरनि अनगायै गुबुन गोनां मुवा-बेसादफोरनि बेसेनाबो अर जौब्लावनो हमदों, जायजों गोवां जेनायाव गोग्लैनांदों।

## इलेक्टरेल ट्रास्टफोरनिफ्राय बि जे पिआ 276.45 कौटि रां खेन्दा मोन्दों

## जम्मु आरो पान्जाबजों लोगोसे दर 8 राइज्योफोराव डेल्टा प्लास भेरिएन्ट मोन्दों

गोदान दिल्ली, 24 जून: भारतआव करना भाइरासनि नैथि दोहौनि गोहोमआ लासै-लासै बाडाइ जालानो हमबाय आरो गोदान केसफोराव गोबां दावखलायनाय फैबाय। नाथाय बेनि गेजेरजों कभिड-19 नि गोदान भेरिएन्ट डेल्टा प्लासनि केसआ बांनो हमबाय। हादरनि दर 8 राइज्योफोर आरो मिरुजों खुंजानाय राइज्योफोराव करानानि डेल्टा प्लास भेरिएन्टनि गासै सा 40 केस मोनखांबाय। सुलुनि बादिब्ला, डेल्टा प्लास भेरिएन्टनि बयनिखुइ बांसिन केसखौ महाराष्ट्रआव मोन्नाय जादों आरो बेजों दासिमआव सा 21 सुबुंफोरा इन्फेक्सन जाखांबाय। बेनि अनगायैबो मध्य प्रदेशआव सा 6, केरेला आरो तामिलनाडुआव सा 3-3,

गोदान दिल्ली, 24 जून: मिरुनि खुंथायाव थांयाय बिजेपिआ 2019-20 आव इलेक्टरेल ट्रास्टफोरनिफ्राय 276.45 कौटि रां मोनो हादों। बेयो बे बोसोराव गासै राजखान्थि हान्जाफोरा मोन्नाय खेन्दानि 76.71 जौखोन्दो। सरकारि नडै फर्संथान एस'सिएसन फर डेमक्रेटिक रिफर्म (एडिआर) नि बादिब्ला, नैथि सारिआव थांयाय कंग्रेसआ खेन्दा महरै 58 कौटि रांल' मोन्दों। बेयो गासै रांनि 15.98 जौखोन्दो। गुबुन मोन 12 हान्जाफोर-आप, शिबसेना, सपा, युवा जन' जागुति पार्ति, जन'नायक पार्ति, जेडिडु, झामुम, लजपा, अकाली दल, इनेल, नेसनेल कमफारेस आरो राल'दआ इलेक्टरेल ट्रास्टफोरनिफ्राय 25.46 कौटि रांनि खेन्दा मोन्दों। रांखान्थि बोसोर 2019-20 आव इलेक्टरेल ट्रास्टफोरनि बिहोमाखौ नायबिजरनाय रिपर्टआ फोरमायोदि, गोजौ थाखोनि खेन्दा हरयाफोरनि गेजेराव जेएसडब्लिउ, अप'ल' टयार्स, इन्डिया बुल्स, दिल्ली इन्टरनेसनेल एयारपर्ट आरो डिएलएफ हान्जायाबो दड। बे बोसोराव सा 18 सुबुंथि महरैबो ट्रास्टआ खेन्दा मोन्दों। सा 10 सुबुंफोर प्रुडेंट इलेक्टरेल ट्रास्टो 2.87 कौटि रां आरो साब्रैआ स्मल डनेसनेल इलेक्टरेल ट्रास्टो 5.50 लाख रां दान होदों। मख'जाथावदि, 39.10 कौटि रांनि खेन्दा होनानै जेएसडब्लिउ स्टील लिमिटेडआ बयनिखुइबो सिगांसिनआव



थादों। 30 कौटि रां खेन्दा हरनानै अपल' टयार्स लिमिटेडआ बयनिखुइबो सिगांसिनआव थादों। 30 कौटि रां खेन्दा हरनानै अपल' टयार्स लिमिटेडआ नैथियाव थादों। बेराफर्स 25 कौटि रां खेन्दा हरनानै इन्डियाबुल्स इनफ्रास्ट्रक्चर लिमिटेडआ थामथियाव थादों। बिसायख'थि आयगआ मोजां हाबाफारि मावनायनि थाखाय इलेक्टरेल ट्रास्टफोरा मोन्नाय खेन्दाफोर आरो बेफोरनिफ्राय राजखान्थि हान्जाफोरनो हरनाय रांखान्थिनि खे'फोरथिखौ गथायनो बिथोन फोसावदोंमोन। बे बिथोनखौ 2013 नि जानुवारीनि उनाव दाजानाय सत्या इलेक्टरेल ट्रास्ट, पुतिनिथि इलेक्टरेल ट्रास्ट, पिपुल्स इलेक्टरेल ट्रास्ट, प्रग्रेसिभ इलेक्टरेल ट्रास्ट, जनहित इलेक्टरेल ट्रास्ट, बजाज इलेक्टरेल ट्रास्ट आरो जनप्रगति इलेक्टरेल ट्रास्टो फोसावनाय जादोंमोन। मिरुनि गंग्रेमबो कर एबा डेस्क बर्डआव रजिस्ट्रेशन खालामनाय गं 21 नि गं 14 इलेक्टरेल ट्रास्टफोरा गाव-

गावनि खेंफोरथिखौ गथायदों, जेराव खालि गं 7 आल' बे

बोसोरनि खेन्दा मोन्नायनि बाश्राखौ बुंथिदों।


## आसामनि गोखों दायनिगिरि बुबु कँवरआ पुलिसजों गावलायनानै जिउ गोमाबाय

गोदान दिल्ली, 24 जानुवारी: आसामनि बयनिखुइ देरसिन दायनिगिरिफोरनि गेजेराव सासे बुबु कँवरखौ पुलिसआ गावलायनायाव गावथारनो हादों। कँवरआ राइज्योआव माखासे हाइ प्रफाइल बुथारनायफोरखौ फिन्याय होदोंमोन। थांनाय माखासे बोसोरनि गेजेराव बियो सा 42 सुबुंफोरखौ मार्टार खालामदोंमोन। थांनाय बुधबारखालि बेलासिआव शिबसागर जिल्लायवाव पुलिसजों गावलायनाय जाथायाव बियो थैयो। 43 बोसोर बैसोनि बुबु कँवरआ माखासे कार खानाय, ड्रगस डिलिं खालामनाय, धोन लुथिनाय, किडनेप खालामनाय



बायदि दायफोराव दंफायोमोन। माखासे जिल्लाफोराव बनि हेंथायै मोन 50 केस थिसन्दोंमोन। जर'खा डिजिपि जिपि सिंआ थांनाय बुधबारखालि हराव टुइट खालामोदि, सासे गिदिरि दायनिगिरि बुबु कँवरआ शिबसागरनि गेलेकीआव पुलिसजों गावलायनायाव

जाथाया बै समाव जायो जेब्ला सासे हेफाजाबगिरिजों लोगोसे स्कुटरआव गाखोनाय कँवरआ पुलिस सेकिंनिफ्राय खार'नो नाजानानै मावसुमाफोरनि सायाव गुलि गावयो। बनि लोगोआ खारा'यो। कँवरखौ बे बोसोरनि मार्च दानआव जराहटनिफ्राय हमदोंमोन आरो बिनफ्राय 35 ग्राम ब्राउन सुगार नागिरनानै मोन्दोंमोन। नाथाय बियो जामिनआव गनायाव जाफुस्रानो हादोंमोन। बेनि सिगांबो बिखौ 2016 नि नभेम्बरआव मोनसे कार खानाय केसआव हमदोंमोन। बै समाव बियो टिथि केमेरानि सिगाडव गनायाव लादोंमोनिदि, बियो सासे कन्ट्रेक किलार आरो रांनि सोलायै बियो सा 42 सुबुंफोरखौ बुथारदोंमोन।



कर्णाटकआव सानै आरो पान्जाब, अन्ध्र प्रदेश आरो जम्मुआव साफायै केस मोन्नाय जादों। रिपर्टनि बादिब्ला, मध्य प्रदेशनि उज्जैन जिल्लायवाव करना भाइरासनि डेल्टा प्लास भेरिएन्टजों सानै सुबुंफोरनि इन्फेक्सन जानायनि खौरां मोन्दों। जायनि गेजेराव सासे आइजोआ 23 मेआव थैखांबाय। सुलुनि बादिब्ला, बे आइजोआ दासिमआव बेक्सिन लायाखैमोन। बेराफर्स सासे गुबुन आइजोआ डेल्टा प्लास भेरिएन्टजों इन्फेक्सन जासेयावबो दासिमबो गाहामैनो दड आरो बियो आवुडै गाहाम जाफिनबाय। बेनि गेजेरजों मिरु देहा बिफानआ थांनाय बुधबारखालि करना भाइरासनि डेल्टा प्लास भेरिएन्टआ जिंगा सियायखौ बारायहोबाय होनानै फोरमायदों। बिफानआ फोरमायनाय बादिब्ला, डेल्टानि अनगायैबो डेल्टा प्लासजों लोगोसे डेल्टानि गासै गुबुन भेरिएन्टखौबो थिअसनि थाखोआव लाखिनाय जाबाय। बेजों लोगोसे महाराष्ट्र, केरेला आरो मध्य प्रदेशखौ सांग्राडै गाहाम थांखि लानो बोसोन होदों।

नं-डि.एस.डब्लिउ ( एस जे ) 6/2018/213

**फोसावनाय**

बेनि गेजेरजों लोब्बा गोनां गासैबो बेंगुरा सुबुंफोरनिमिम मिथि होनाय जाबायदि जायफोर बेंगुरा सुबुंडा आसाम सरकारनि समाज अन्साय बिफाननि सिडव दिनदयाल बेंगुरा सुबुं पेन्सन बिथांखिनि सिडव पेन्सननि रां मोनगासिनो दड', बिसोरो रां मोनबाय थांनाय बेंक एकाउन्ट नम्बरजों लोगोसे मबाइल नम्बरफोरखौ ओन्सोलारि जुथाय गथ'सा जौगाखां बिथांखि बिबानगिरि मावब'आव गाहाय नासं एबा अंगनबादि मावफरिनि गेजेरजों 28 जून, 2021 नि गेजेराव जमा खालामनो खावलायहरनाय जाबाय। जायफोर मुलामफागिरिफोरा गावआरि मबाइल नम्बर गैया, बिसोरो गावसोरनि खाथिसिन नखरनि सोद्रोमानि मबाइल नम्बरखौ जमा होनो खावलायहरनाय जाबाय।

**सामब्लायगिरि, समाज अन्साय बिफान, उजानबाजार, गुवाहाटी-1**

**JANASANYOG/D/1630/21**

## एनआरसियाव आयेन बेरेखायै मुं थिसन्नायनि अजदलाइ थिसन्दों

गुवाहाटी, 24 जून : सरकारि नडै फर्संथान आसाम पाब्लिक वाकास ( एपिडाब्लिउ)आ राइज्योनि संगालि बिफान सिआइडिनियाव एनआरसिनि बारग' राइज्यो आफादगिरि प्रतीक हाजेलानि हेंथायै अजदलाइ थिसन्दों। बे अजदलाइयाव बुंदोंदि, हाजेलाया फारिलाइ थिसन्नायनि हाबाफारियाव एनआरसिनिआ माखासे आयेन बेरेखायै हावफै खोमानायफोरनि मुंखौबो थिसनफादों। एपिडाब्लिउआ सुप्रिम कर्टआव एनआरसिखौ आपग्रेड खालामनायनि हाबाफारियाव सुप्रिम कर्टआव आर'जलाइ थिसनानै दोन्दों। हजेलाया 1995 बेचनि आसाम-मेघालय केडारनि आइएस बिबानगिरि, जायखौ सुप्रिम कर्टआ 2013 आव एनआरसिनि राइज्यो आफादगिरि



थिसनदोंमोन। नाथाय एनआरसिनि हाबाफारिआव हाजेला आरो बनि हेफाजाबगिरिफोरनि सायाव माखासे दाय जाबसिन्नाय दं। गोदानै थिसन्नाय अजदलाइयाव बुंदोंदि, हाजेला आरो बनि हेफाजाबगिरिफोरखौ गेनाखान्थि खालामनानै एनआरसिआव गनायजाथावे सुबुंफोरनि मुंखौ थिसनजादों। बे बायदि आयेन बेरेखा खालामग्रा सुबुंफोरनि नख'रफोरजों सोमोन्दो थांनाय बिबानगिरिफोर, डाटा एन्ट्रि अपोरेटरफोर एसेल' सुबुं अन्जिमार्नि देदेनगिरिफोर आरो हादतनि बेरेखा सुबुंफोरनि लोगो लालायनानै जयै मावनायाव जादों। ए पि डाब्लिउअनि आफादगिरि अभिजीत शर्माया सिआइडिनि लेडइ गाहाय बिथोनगिरिनो बे अजदलाइखौ थिसन्दों।

## हास्थायबाय नौरबौ

मोजां मोन्नोब्ला सासेखौनो मोन स'ना गोसो गोबौं गोथार बिखाजौं जेब्लाबो, गोबौं गोसो बावसोम जोबखाबाय आं नौनो। नौखौं गोबौं बिखाजौं अन्नाय होबाय आं ददेरे मैना, गनायोना गनाया नौं रजे? गनायोब्ला दिखानानै लांगोन आं नौखौं रैसुमै, गोजोन गोथार जुलिन थाखाय। नौनि महारावोनो जानाबाय गोसो गोबौं जिउ आनि बोदोरजौं उसिफाव उसाव-बादाव, थानो हाया गोजोनै दसे सम अराइ। नौनि थाखायनो गासिबो हगार जोब्याय आं ॥ रिसेम बायदि गोसोम मिहि खानाय नौनि समायना बेरसां-बेरसां मेगन नौनि कमला बायदि जागा-जागा फावदु, जारौ-रौ दुफावदु फारनै खावलाइ नौनि, रिजि, रिजि हाथाय मिनिस्तु मिनिखेरो। बुहुमाव नाथगिरब्लाबो मोनाखेसै नौखौल'सो मोनबाय आं अरायनि जिउ। गोसो आनि गोसोआनोथ' फागोला बोदोर, फागुनि जावलिना बाराबो खालाम सिनबावबाय आंखौं हरावबो निन गैथै, सानावबो निन गैथै। रैरुब महारा नौनि जाखांफैयो अराय सम हास्थायबाय आं नौखौंनो अराय सम। बेनो आनि गोसो गोथारे नौखौं हास्थायनाय ॥

**रिनदाव बसुमतारी**  
देबरगाव एडस एस स्कुल देबरगाव  
गामि:- आमिनफारा, पाटगाव।  
ला:सो:-सिम्बरगाव, जिल्ला:-कक्राझर।

## दानि सिख्लाफोर

बर' हारिनि सिख्लाफोर टाउन बाजार होमबाथाइ जेरावबो हायलोब हायलोब गाननाया बिसिनि सुरिदार लंफेन गैया माथो नौसोरनाव बर' हारिनि गाननाय। बायबाय नामा बायदि मैयानि गाब-गान्नाय दखना; दानाय लुनाय कृष्टि मोसानाय बायदि-आसार खात्थिखौं। गैया नामा नौसिनि गोसोयाव बर' हारिखौं जौगाखां होनायनि मिजिक बिबादिब्ला जौं बर' राइजोखौं-मात्रै मोननो; फै जौं बर' हारिया बयबो खौसे जानि बर' हारिखौं जौगाखां होनायनि मिजिक बिबादिब्ला जौं बर' राइजोखौं-मात्रै मोननो; फै जौं बर' हारिया बयबो खौसे जानि बर' हारिखौं जौगाखां होनाइया-जौनि आखाइयावनो दं। दाजासै नौसोर रावबो एना एनि मालाइ हारिनि आथि सिडव-थाबाय थानायनि सम गैला फैदो फै बयबो ज,ज; सुरदिनि जौं आगान गोजौं लामाजौं।

**गोसोखां बसुमतारी**  
रामफलबिल गोजौ फराइसालि  
थाखो- जि ( 10 ), गामि- मैनागुरी।  
जिला- कक्राझर, बि टि सि, आसाम।

# रंजालि गथ' फोरनि सौरा

# दुखुथिया समायना दैज्लां

हेमाप्ति मुसाहारी  
अदालगुरि ( अर )

हांमा सुरहाब सुरहाब दिखार नांहाब नांहाब नौं अनजालिनि दुखुया हाबाब अरायबो दुखुनि मोञ्जिलब। आगोमा अनजालुखौं नागिरना दांग्रोम बायदोमोन बेखायनो नागिरना, नाथाय अनजालुया खाथियाव गैया गाबजिबायदोमोन गोबारे राव होना। संसारनि साथ जारलायाव गोम्लैबाय दुखुनि देखोया रिजेनबाय, गारलांबाय अनजालुया अराय अनजालिखौं दुखुयाव गब' होना, नागिरना मोना अरायबो हाबाब दुखुथिया हांमा सुरहाब सुरहाब।

**मुप्ति बिरदाव नार्जारी**  
कक्राझर बिधापीट गोजौ फरायसालि  
थाखो- जि ( 10 )  
गामि- खारगाव  
ला:सो:- खारगाव  
जिला- कक्राझर।

बोधोर थाडे थाडे गुस्लायबोगौ हनै मिथिंगाया आसार सावन होनब्लानो होनब्लानो दैज्लांआसो सफेलायगौ हनै ॥ सोरसिनि दावज्ला गेसेरब्लानो नांगोल जुंगाल बान्ना हुरा हुरा मोसौ हाल होलांनय, दुब्लि फोथाराव जुब-जुब हाबुनि आबिरजौं हाल एवहेनाय बोथोरासो सफेबाय हनै ॥ रानसाव जानानै थानाय हायाव जुब जुब अखा हानानै सिंगलाब होयो जेब्ला सोरनिबा नांगोल जुगालनि एवखानायजौं हाबुनि महर मोनो, सोरनिबा आखाइजौं फुजानाय आइथिआव थावनो बुजानाय खोथिया गथासेया मैना खबारिमोनजौं जौंखिल माखिल समायना फोथाराव सिं गडे गडे थुजायो अब्ला सासे आबादारिनि फोथारा आबुं महर मोनो, बाखियाव माय बुधुमनाय सिमां आवगायलाडे ॥ थारेनो दैज्लां बोथोरा हाबुनि आबिरजौं बिलिरलाडे सब साव देहा सोलेरखौं हाबुजौं खुदुमलाडे मोदोमहोलाडे गावनि मोदोमफु मोदोमनायजौं, बेयावनो नारा नाथा आबादारिनि जुजिनाय जुब-जुब अखा थिं थिं सान्दुंजौं नौज्जलायनाआ दुब्लि फोथाराव सोमखोर सोमखोर समायना आबुं महर मोनो गसाइनि सोरजिनाय मिथिंगानि गुस्लायनाय दैज्लांनि समायना सावगाारि।

## दिमापुरनि मोदै

नौंसोरो मानो आंखौं नायसनदिया बर' फिसाफोर ? आं नौंसोरनि बर' राइज्यो दिमापुरसो। दिनै आनि बिखा गेजेराव नौंसोरनो बर' राइज्यो खुंदोमोन। नाइ दाबो आनि दुखु दाहानि दिमापुरनि जारिमिनखौं बर' फिसाफोर। अब्ला नौंसोर नुगोन बे दिमापुर राइज्योफ्रा सोरनि। गबिन्द चन्द्र, तुलाराम सान्धि गाहाय सोमदोन कसारी मोनहाथ' आनि बिखायाव थानानै बर' राइज्योखौं खुंदो। दाबो सम दं बर' फिसाफोर आंखौं गुबुन हारिनिफ्राय उदांमि खालामनाय समा। नडब्ला जानोसै सिखोना जाहारनि बायखोन्दा नेरसोनफ्राबो आरो जिउ जारिमिना गुबुन हारिनि आथि सिडव। नौंसोर आंखौं उदां खालामदो बर' फिसाफोर, आं नौंसोरनि उदां बर' राइज्यो दिमापुरसो।

**मुप्ति रन्जय नार्जारी**  
गामि- करफापारा, बिसमुरी

## आनि सिमां

सान्दोमोन आं सासे हारिनि गेजेरावनो थरसे अलंबार हारिनि दावहारु। आनि सिमांआ गोजावदो अखोरां बिखा गोजौयाव माथि मिथिया आय! सासे दैथायगिरि। सानसे बेलासे थिनानै दोन्नाय आनि सिमां! हने फिथिखानि फाखनाव सोनाब फासैआव। माथो दावबायलांबायसो बारहुंखानि बारनायाव सान्दुनि दुनायाव थावरिनो हायैनि आनि सिमांया थैलांबायसो।

**श्री उत्तम कुंगुर नार्जारी**  
रुरुदेब कालिसन एकहैमी द तमा  
गामि- बेलगुरि  
ला:सो:- आपलागाव।

## आलाइ-सिलाइ जिउ

श्री लस्कमन नार्जारी

जोनोमगिरि नौं बर' बिमा..... फेदेरदौं फोलावदौं फिसाखौं, आसि थुवा रोडेखौं फोरौंदौं, गावनि जोनोमगिरि जायगाखौं उदां खालामनो दिन्थिदौं। सुथुरनि हेंथायै गसं थानाइआव गोबां जोहोलाव-जोहोलावजौं जिउ बावलांबाय ॥ बर' फिसाफोरा आलाइ-सिलाइ मेगनाव मोदै खुगायाव खदै जानांबाय बर' बिमाआ सुथुरजौं जिनाहारि खालाम जाबाय गोबां सुबुं हारि नाइना थाबाय बेसेदि बिखा खामथाव दिखार गोनां बर' हारिनि सायाव इनाइ अनागार गादबनाय नासइनाय सोबख'नाइ सोर आइ होनफैदौं जौंखौलाइ आलाइ-सिलाइ दाव अमा बायदि बर' फिसाफोरखौं बुथारनायखौं, दिखार गोनां बिखा खामथाव बर' हारिनि जिउ जारिमिना ॥ बर' फिसाखौं बिमानि आखाइनिफ्राय सेना आलाइ-सिलाइ बुगिलना-जोगिलना बिमानि मेगनावनो बुथारदौं..... आसि थुयै-थुयै खिथाब्लाबो बुंब्लाबो रावबो सहाइ होयाखै। बर' बिमाया गावनि खालाइ सोलेरखौं लाना दुखु-दाहा बुंफबनाय गोबौंजौं आलाइ-सिलाइ जिउ खुंदो..... ॥

## आं नौनि थाखायल

आंबोथ नौनि थाखायल रावनिबो नड बे जोनोमआव, मोनथियाखैमोन नामा नौं आंखौं मोजां मोना सान्दोमोन रजे सिमाडाव सानदौं नौंजौं गेलेगोन नाथाय मोगथाडाव सान्दौं नौं माब्ला आनि जागोन। सानै सानै सानसनो हाला आवसाव जाबाय आं नौनि समायना महरखौं बिखा सिंआव थानाय मोनबा बिदि जाया जागोमोन। नाथाय सना आं बे जोनोमआव नौंखौल मोजां मोनो नौंखौल गोसो थोयो, उसाव-बादाव आनि गोबौंआ नौंखौल सानो मानोथाय।

**मुप्ति थनिजा ब्रह्म**  
जिल्ला: कक्राझर।

## बुहुम मिथिंगा (चनेट)

बुहुम मिथिंगानि बायदि मैया बिफां-लाइफांफोरदि बारजौं बेसेबांबा मोजां मोजां रंजायो बेसे समायना बेसे रमायना बे बुहुम मिथिंगायालाय सारि रिरि बिफां-लाइफां फारि फारि न'-बां राइजो जाबायदौं आइ-आफा आबै-आबौ मोनहा मिनि रंजा बाजा बुहुम मिथिंगानि सायाव बेसे समायना, बेसे रमायना, बेसे गोजोनथाव, बुहुम मिथिंगानि महरालाइ आय बे संसारालाइ।

**राना प्रताप सिंह ब्रह्म**  
गामि: बंसिगाव ( दतमा )  
जिल्ला: कक्राझर।

## जौसे बोसोर सम जालांबाय अनजालि

बेसेबांबा गोबाव सम जालांबाय नौंखौंनो मोजां मोन्नायाबो गुबुन सिख्लाफोरखौं नुब्लानो हरखाब गोसो खाडे आं हर गेजेरनि पुणिमा अखाफोर बादि नौनि महर मुप्तिया आनि गोसो गोबौंआव जाखांफैबाय थायो। बावनो हाया आं नौनि आफेल फिथाय बायदि जरासे खावलाइखौं, कम्प बारिनि प्रमिला गारदेनाव सानैजौं गोबा लायै-लायै खोथा राइज्जायनायखौं नौं बावलांजोबबाय नामा अन्जालि आंहा दाबोनो गोसो खांब्ला जौंफुबाय थानाय अरखि बादिसो आनि गोसोआ रागा जौंखाडे। आंहा बिखा सिडव दाबो दं, नौनि खोथा बाध्राखौं नाथाय अन्जालि नौनि अनगा रावखौंबो मोजां मोनफेराखैमोन। अन्जालि नौंखौं लानानै आं आनि थांखिखौं जाफुंहोनो सान्दोमोन। नाथाय आनि सान्नाया बुलुबुथुरनि दैजौं बुखार लांजाबाय मिथिसयै जायगायाव, जौसे बोसोर सम जालांबाय अन्जालि नौंजौंनो लोगो मोनलायैया।

**थेमना मुसाहारी**  
गामि: भालुकझरा  
फरायसाली: राइनादाबि गोजौ फरायसालि  
जिल्ला: कक्राझर।

## हायेन

जौनि हायेन बेसेबां समायना आय हाबाब बेसेबां गोजोन, बेलारोम समाव सोनावफा सान हाबदौं दावमा दावसाफ्राबो रंजा-बाजा बिरलांदौं गथ'फ्राबो बेलारोम समाव बिजाब फरायो बिजाब फरायखानायनि उनाव बिबौनि सल बाथा खोनासडे। हर खोमसि जायो आरो गथ'फ्राबो उन्दुयो दावमा-दावसाफ्राबो सिरिये उन्दुयो। आरो बिन उनाव जारौ मारौ फुंबलि जाबोयो दावमा-दावसाफ्राबो रंजा-बाजा गोदै गारांजौं मेथाय खनो आनि गोसोआबो रंजानो गोसो जायो आय हाबाब बेसे समायना जौनि हायेनलाइ।

**मुप्ति दैथुन नार्जारी**  
बासबारी गोजौ फरायसालि  
थाखो- दाइन ( 8 )  
गामि- औवाबारी, बिसमुरी।

## फामीनि जिउ

अन्नायनि बोदोर हाबिला नौनि हायना गोनां मुप्तियाव बरायनो नाड नौं सैनाय गेवलां फामिनि मोदोमनायजौं मुलुगनि दुथां सिखि फागला। मुलुगनि सिखिफोरा समायना महराव दान्दिसेल' अनसुला गाब गायो गेलेगोन बेसोर नौनि बिखा गेजेराव उरफले उरफले सोलेर मैंगिलजासे बेखेवनानै बिजिरगोन नौनि सिनि सान्धि। हाया हाया एमब्राबायनानै नौंबो लहायगोन फागला सिखिफोरनि सहायथावै उतरखाराव मोदोमनाय मोसानाय रंजानायनि बेखनखौं नौं नेवसिनानै दान्दिसेनो थुव सिरिगोन मेगनाव मोदैनि दाहार सोरजिनानै ॥ फामि!! नौनि जिउआ गोसोम हांगारनि गोदोनायाव दाहानि माला गान्नाने बिरलांनबाय बबेबा गाहब खनायाव जेराव सुबुं सोदोमजोया नुफेराखै मेगनजौं नौनि बै गोथैसालिनि उदां बिखाखौं।

**श्री मोकथां बसुमतारी**  
गामि- सा-धावलिगुरी।

( 1 बिलाइनिफ्राय )

## केबिनेट जथुमनि गेजेरजों माखासे गोनांथार थांखिफोरखौ लादों आसाम सरकारा

नंला । डिभिजनेल फरेस्ट अफिसारनि गनायथि होनायनि उनाव प्रिन्सिफाल सिफ कन्जार्भेटर अफ फरेस्ट काम हेड अफ फरेस्ट फर्सआ सुबु आरो मैदेरनि गेजेराव सोमजिनाय दावहायाव जिउ गोमानाय सुबुफोरनि नख 'र'नो रां अन्सुंथाय एबा ख'हा सुफुंथाय होनायनि सायाव थांखि लागोन । बे बेलायाव हाग्रा आरो आबहावा बिफाननो जायखि जाया रोखोमनि सोमोन्दो थानाय फाइल खालामनांगौनि गोनांथि जानाय नख । अवेल इन्डिया एबा अ एन जि सि थाव कम्पानीफोरा नोगोरनि 10 कि:मि: जान्थायनि गेजेराव गावआरि हा आवथायाव लानायनि थाखाय 1 बिघा हायाव खमैबो 12 लाख रां होनांगोन आरो नोगोरनि 10 कि:मि: जान्थायाव हा लानायनि थाखाय बिघायाव 10 लाख रां होनांनय । माइक्र फाइनान्सनि दाहारनि रेहायनि बेलायाव जैरेबायदि थांखि लादोंमोन बेखौ मावफुंनो थाखाय गिबि मन्थिआ दासिम फोसावबाय । लोगोसे बेखौ मावखुलि महरै गेबैडे मावफुंनो थाखाय दिनेनि बे केबिनेट जथुमाव थांखि लानाय जायो ।

## बि टि आरनि गं 10 महकुमायाव थाबैनो बेखेवजागोन गंफायै महकुमा गेलेमु मावखुलिआ

संग्रा-सिख्लाफोरा गेलेनायनि हारोंथाय दं । लाइमोन संग्रा-सिख्ला गेलेगिरिफोरनो सरकारनिफ्राय मोननांगौ सुबिदाखौ होनो हायोब्लानो गोजू फारसे आवगायलानो हागोन आरो जिउ दानो हागोन होना बुडे बिथाड । बिथाड बुंबावयोदि- बि टि सि सरकारनि एस अ पि डि फान्डनि गेजेरजों स्टेडियामफोरखौ फौजौखानो हानाय नख । बेनि थाखाय मिरु सरकार आरो राज्ज्यो सरकारनिसिम रिपर्ट होनानै गेलेग्रा फोथार फोसाबनायनि राहा लागोन । बिथाड बुंबावयोदि बि टि आर ओनसोलआव जायफोर राफोद गेलेगिरिफोर दं बिथांमोना रांखांथियारि हालोदआ सौहैजासिमल' गेलेनानै गावनि गेलेनायनि मिजिंखौ गारनो गोनां जायो । दा बेनि थाखाय बि टि आर सरकारआ बिथांखि लादों । बि टि आर गोरबथानि गेजेरजों चिरां, बाक्सा आरो उदालगुरि जिल्लयाव SAI चेट्टार गायसननायनि अनगायैबो दानि बिटिआरनि गं जि महकुमायाव थाबैनो गंजि गेलेमुनि महकुमा मावखुलि(Sports Subdivision Office) गायसनजागोन आरो बेनि गेजेरजों गेलेगिरि बिथांमोनहा गावनि जायगायावनो गेलेनायनि बिथिडव सरकारनि सुबिदाफोरखौ मोननो हागोन होना बुंथियो बिथाड । बिजनी ओनसोलाव थानाय गेलेग्रा फोथार नायगिदिनाय समाव मावफुं सोद्रोमा बिथांजों लोगोसे 18 नं मानास सेरफां बिथाबनि एम चि एल ए धनन्जय बसुमतरि आरो ओन्सोलनि गोबां दैदेनगिरिफोरा दंफायोमोन ।

## कामरुप जिल्लानि दिथागिरि मन्थिया

जिल्लानि गासै बिथिंनि सायाव सावरायलायदों गुबुन बिथिंनि सायाव सावरायलायनानै दिथागिरि मन्थि चन्द्र महन पाटवारीआ बे बाथ्राखौ बुडे । कामरुप जिल्लानि जिल्ला बेंगिरि मावख'नि सावराय न'मायाव खुंफुंनय बे सावराय मेलाव बिथाड बुंबावोदि जों गासैबो जेनाफोरखौ सिगांसिन बिथा होनानै सुप्रांनो थाखाय गोदानै गांसे नोजोर लाइसि फोसावगोन आरो इयुनाव कामरुप जिल्लाखौ मोनफ्रोमबो बिथिडवनो आदसं जिल्ला महरै गायसन्नो थाखाय नाजालांबाय थागोन । जिल्लानि सावस्रि खोन्दोआव जरखायै कभिड-19 नि भेक्सनिथि थाखाय गाहाय थाखोसिम लानाय राहाफोरनि सोमोन्दै मन्थिया गोजोन्नाय फोरमारयो । गुबुन फासैनि ड्रगस उदां आसाम गायसन्नो गिबि मन्थिया नाजावनाय थांखियाव जाफुंसारनो थाखाय कामरुप जिल्लाया नाजावनाय राहाफोरखौ बाखानानानै बे बिथिडव गासैबो हेफाजाव होगोननि मिजिंथिनाय फोरमायो । जिल्लानि मोनफ्रोमबो बिथिंनि जेनाफोरखौ रोखा खालामनो थाखाय फेगौ 45 साननि गेजेराव गांसे नोजोर लाइसि दिहुनो थाखाय बिथाड जिल्ला बेंगिरिनो बिथोन होयो । बे बिथिडव लोब्ला गोनां, एम पि, एम एल ए, गुबुन गुबुन बिफान, आफाद-फसंथाननि बिबानगिरि, मेलेमजिबि, खौरांगिरि आरो समाज सिबियारिफोरनिफ्राय लिंरथि रिपर्ट नागिरनोबो बिथांखि खालायहरो जाहाते मोनसेबो जेनाफोरा सोसनजाया लासेनो थालाड । दै बानानि थाखाय साखा-फारा जानांयनि बिथिडव सावरायलायनानै बिथाड बुडेदिं बे खेबाव गोनांथि जानाय मुवा-बेसादनफ्राय अनसुंथाय रानायसिम गासैबो बिथिडव जिल्ला बेंगिरिनो खाबु होनाय जादों । बेनिखायनो बे बिथिडव बेखेबाव गोबाव जानाय नख । कामरुप जिल्ला खुंथाया बे खामानिखौ आवुडे मावफुंनो हागोन होनानै बिथाड नांथाबनायखौ फोरमायथियो । आथिखालाव दै बानानि बिथिडव जेना गोनां जायगायाव होबथानायनि खामानिफोरखौ गोखैये मावफुंनो थाखाय बिथोन होनानै बे बिथिडव 15 थि रांखांथियारि आयगनि फाण्डखौबो बाहायनो बिथोन होयो । बे मेलाव गुवाहाटी लक सभा बिथाबनि एम पि आरो जिल्ला दिसा कमिटीनि बिबानगिरि कुइन अजा, मंगलदै लक सभा बिथाबनि एम पि दिलिप सइक्रिया, एम एल ए फोर फारियै भबेस कलिता, रेकिबुदिन आहमेद, नन्दिता दास, सुमन हरिप्रिया, दिगन्त कलिता आरो हेमनांग थाकुरिया मोनहै दैखानाय गुबुन गुबुन जेना आरो जेना बोस्रांनयनि बिथिडव लानो गोनां राहानि सोमोन्दै बोसोन होनायफोरखौ नाजावना लायो । मख'नो गोनांदि जिल्लानि कभिडनि सोमोन्दै गासैबो फोरमायथिफोरखौ राज्जो-राजाफोरा गोलैयै मोननो हानाय बायदियै दिनें बे मेलनि गेजेरजोंनो covid19dashboardkamrup.in वेबसाइट आरो कामरुप आवुं सोलौंथाइनि सिडव फरायसुला-फरायसुलिफोरनि खाबुनि थाखाय y-kiran मुनि मोनसे इयुटियुव चनेल बेखेवनाय जायो । बे सावराय मेलजों लोगोसे खुंफुंनय दिसानि मेलखौ आफादगिरि मासि सामब्लायनानै कमिटीनि बिबानगिरि आरो गुवाहाटी लक सभा बिथाबनि एम पि कुइन अजाया महात्मा गान्धी एनरा, पि एम ए वाइ, जल जिवन मिसन, स्वच्छ भारत अभियान, प्रधानमन्थि फसल बिमा यजना, एम पि आदसं गामि बिथांखि, पि एम किसान, आसाम दर्शन, आसाम मालाखौ लाफानानै सोलौंथाइ, समाज अन्साय बायदि गासैबो बिफाननि बिथांखिफोरनि सोमोन्दै गुवाै सावरायलायो । मेलाव गुवाहाटी (नोरोमा) जिल्लानि जिल्ला बेंगिरि कैलास कार्तिक एनआ गासैबो बिथांखिफोरनि सायाव गुवाै बिबुंथि लाखियो । दिनेनि मेलाव जिल्लानि दिथागिरि नेहाथारि ७ के के द्विबेदिआ बाहागो लानानै गुबुन गुबुन बिथिंनि सायाव बोसोन होयो । बे मेलाव दिसानि सोद्रोमाफोरजों लोगोसे जिल्ला पुलिस बिबानगिरि आरो जिल्ला खुंथायनि बिबानगिरिफोराबो बाहागो लादोंमोन ।

## गिबि मन्थिआ मुंदांखा समाजयारि मावथि रंसारि शंकर चन्द्र दासनि नख 'राव दावबायहैदो

होदोंमोन । बिथाड सर्बग ओन्सोलनि समाजयारि, राजखांथियारि आरो सोलौंथायारि बिथिडव खाथि सोमोन्दो लाखिनानै खामानि मावबोदों । सासे बयजोंबो मानिजाथाव गनायजाथाव समाजयारि मावथि हिसाबै रंसारि दासआ बरपेट जिल्लानि गासै बिथिडव जौगाखांहोनायनि थाखाय खामानि मावबोदों । बरपेट जिल्लाजों लोगोसे दुलाणइ आसामआ सासे गेदेमा समाजयारि मावथिखौ खोमानानै लानांबाय । बिथांनि रंसारि जानाया आसामनि समाजयारि आरो राजखांथियारि जिउनि थाखाय सुफुंख' हायै ख'हा । मख'नाय जायोदि, रंसारि शंकर चन्द्र दासआ बरपेट जिल्ला बि जे पिन आफादगिरि बिबान सामलायबोदोंमोन आरो बिथाड ए इ जि सि एलनि बर्ड अफ डिरेक्टर्सनि सासे सोद्रोमा महरैबो बिबान सामलायबोदोंमोन । रंसारि शंकर चन्द्र दासआ बावैसो जानानै थानाय आसाम बिधान सभा बिसायख'थियाव सर्बग बिथाबनिफ्राय बिजाथि महरै बिसायख'थि गेलेदोंमोन ।

## गिबि मन्थिया गुवाहाटीनि माडार्स अल्ड एज ह'मआव सोमजिनाय जाथायनि सायाव नायबिजिरनो बिथोन होदों

साननिफ्रायनो खौरां बिजोडाव फोसावजादोंमोन । राज्योनि बैसो गोनां थागिबिफोरनि समाजारि रैखाथिखौ रोखा खालामनायनि बिथिडव राज्यो सरकारा बिबान दड' । बेनिखायनो बे बिथिडव गोजोन्नाय गैयै फोरमायथिनानै गिबि मन्थिया अल्ड एज ह'मआव सोमजिनाय गासैबो जाथायनि सायाव नायबिजिरनानै 72 घन्टानि गेजेराव बेनि रिपर्टखौ गथायनो थाखाय कामरुप(नोरोमा) जिल्लानि जिल्ला बेंगिरि बिश्वजित पेगुनो बिथोन होयो । लोगोसे गिबि मन्थिया माडार्स अल्ड एज ह'मनि थासारिखौ गावआरि महरै बोस्रांनयनि राहा लानो समाज अन्साय मन्थि अजन्ता नेउगनो बिथोन होयो ।

( 1 बिलाइनिफ्राय )

## 25 जुननि थिरांथा

रांखांथिनि बेरेखा हान्जाखो खोमसि खथायाव दैथाय हरनायनि बिदिन्थि दड । नाथाय नेमखांथियै सुबुंखांथिनि मानखौ फोथायजाथाव भारतआवबो जेब्ला बै समनि गाहाय मन्थि इन्दिरा गान्धीआ बेरेखा दोलोनि गासैबो दैदेनगिरिफोरनि गारांखौ गादबदोंमोन अब्ला भारतआ थाबथादोंमोन । बै हरखाब हालोद जाबसिन्नाया जेबो राजखांथियारि हिंसा एबा जेबो हादतारि हेंथानि थाखाय बै हरखाब हालोदखौ जाबसिन्नाय जायाखैमोन । बेयो जादोंमोन श्रीमति गान्धीनि रागा जौनाय आरो गावारि राजखांथियारि गोहो जैरेबो रेखाथियै लाखिनायखौ मिथि होदोंमोन । जाय कंग्रेस दोलोआ महात्मा गान्धीनि दैदेननायाव इंराजनि खुंथायखौ बुखुनानै 1947 माइथायाव हादोराव सुबुंखांथि गायसननायनि खामानियाव नांथाबदोंमोन । जाय कंग्रेसआ स्वराज सोमावसारनायाव हादोरनि लाख-लाख सुबुंफोरनि हेफाजाब मोनदोंमोन, इन्दिरा गान्धीनि खुंथायनिफ्राय बे कंग्रेसआ गान्धी नखरनि गलाम बायदि खामानि मावनो लादोंमोन । मुश्रिमा गान्धी आरो बिथांनि नखरनि हेफाजाबगिरि कंग्रेसनि मन्थिफोरा बे समाव सरकारि जन्ध्रफोरखौ बेआयेनै बाहायनानै बेरेखा मन्थि-दैदेनगिरिखौ जोबथेसालियाव जोबनानै दोन्दोंमोन । गावनि बे बेरेखा मावनायनि हेफाजाबाव इमार्जेन्सि फोसावनायनि अखानायै मुश्रिमा गान्धीया बुंदोंमोन - "The deep and wide spread conspiracy which has been brewing ever since I begin introducing certain progressive measures of benefits to the common man and common woman of India in the name of democracy....The plot sought to negate the very functioning of democracy. Duly elected governments have not been allowed to function and in same case force has been used to compel members to resign in order to dissolve lawfully elected assemblies." नाथाय बे बिबुंथिनि उनावबो मोननै सोंथिया जेबो थांखि गैयै जानानै थादोंमोन । गिबियाव, एलाहाबाद गोजू बिजिरसालिनि बोसोननि उनावनो मुश्रिमा गान्धीया मानो इमार्जेन्सि फोसावनो गोनां जाखो ? नैथियाव, खुंथाय गोहोयाव थानाय कंग्रेस करकारा बिजिरसालिनि गोहोखौ बारनो हानाय बेरेखा दैदेनगिरिफोरनि हेंथायै मानो गोहो बाहायखो ? बे मोननै गुदि सोंथिनि फिन्नाया इन्दिरा गान्धीनि बिबुंथियाव गैयामोन ।

हादयरि रेखाथिनि गेहेना लानानै इन्दिरा गान्धीया गावनि बेरेखाफोरनि हेंथायै खिथेर लानायनि जाहोनानो जादों गावनि जाफुंसारै आरो न्याय आरो राजखांथियारि जेनानिफ्राय सोमजिनाय मेलेमारि गोजोन गैयै थासारि । 1971 माइथायनि सरासनस्रा बिसायख'थिनि सिगां समाव मुश्रिमा गान्धीनि बिसायख'थिनि बेरेखा बिजाथि राज नारायनआ एलाहाबाद गोजू बिजिरसालियाव थिसन्नाय गसरनि खोनासं होनायनि बिबाना बिजिरगिरि जगमहनलाल सिनहानि सायाव गोलैदोंमोन । 1975 माइथायनि 12 जुननि सानखौ गसरनि खोनासं होनायनि सान महरै खानाय जादोंमोन । बे सानखालि बिजिरगिरि सिनहाआ मुश्रिमा गान्धीनि हेंथायै राय होनाया गाहायै मोननै जाहोनाव । गाहाय मन्थिनि सेक्रेटारियेटनि जरखा बिबानाव थानाय बिबानगिरि जसपाल कापुरखौ मुश्रिमा गान्धीया गावनि बिसायख'थिनि हाबायाव बाहायदों होन्नानै सिखांनय अजदाव बिजिरगिरिया मुश्रिमा गान्धीखौ दायनिगिरि होन्नानै फोसावो । मुश्रिमा गान्धीनि हेंथायै सिखांनय नैथि अजदा जादों उत्तर प्रदेशनि सरकारि बिबानगिरिया मुश्रिमा गान्धीनि थाखाय बिसायख'थियारि जौसां बानायनाय आरो बे जौसांनिफ्राय बिसायख'थि फोसावनाय बिथिडव सरकारि माइक आरो मोब्लिव गोहो बाहायनाय । बेयो अजदावबो बिजिरगिरि सिनहाया मुश्रिमा गान्धीखौ दायनिगिरि फोसावो । मोननैबो गसरव दायनिगिरि फोसावजानायाव इन्दिरा गान्धीखौ बिसायख'जानाय थान्दै महरै जज्ञ गैयै फोसावनाय जायो आरो 6 बोसोरनि थाखाय बिसायख'थिनि गेजेरजों दाजानाय जायखि जाया बिबान नाजावनायनिफ्राय बिथांखौ होबथानाय जायो । बिसायख'थि देरहानायनि थाखाय सरकारि बिबानगिरिखौ बाहायनाया'मोनसे मख'जाथाव दाय । गोबां मन्थि, एम पि आरो राज्योयारि बिधान सभानि सोद्रोमा बिथांमोननि हेंथायै सिखांनय बेफोर बायदि अजदनि थाखाय जज्ञ गैयै फोसावजादोंमोन । अन्ध्र प्रदेशनिफ्राय बिसायख'जानानै फेनाय इन्दिराआ मन्थि सभानि सोद्रोमा सेन्ना रेहनि हेंथायै सिखांनय बिसायख'थियाव जाख्ल'थायनि अजदनि थाखाय मुश्रिमा गान्धीया बिखौ मासिनिफ्राय बोख्खलायदोंमोन । नाथाय गावनि बेलिका बिजिरसालिनि रायखौ मानिनायनि सोलायै मुश्रिमा गान्धीया गोहोखौ हमथानानै थानायनि खांथि आजावो । सरासनस्रायै बे खोथायाव बेरेखा दोलोफोरा सोमावसारनायनि हाबाफारि आखायाव लायो आरो आयेन मानियालासे हाबाफारियाव बारसोमो । दानिया बे आयेन मानियै हाबाफारिखौ नोजोर होनानै मुश्रिमा गान्धीया बेरेखा दोलोनि दैदेनगिरिफोरनि हेंथायै सुबुंखांथिनि हेंथा आखु खालामनायनि अजद लाबोयो । अदेबानि आयेन मानियै हाबाफारिखौ भारतनि राज्जो-राजानि हाबाफारि महरै जागायदोंमोन बिथांनिनो बिफा जवाहरलाल नेहेरू आरो हारिनि बिफा महात्मा गान्धीया । गावनि खामानिनि जोहै मुश्रिमा गान्धीया सुबुंखांथिखौ मोनसे लोरबां हालोदसिम सोलायहोदोंमोन आरो सरासनस्रा सुबुंफोरनि मोन्दांथिनि गासैबो मोन्थायखौ सिख'नानै लादोंमोन । संबिजिरारि गोहोखौबो खेंसिलायै गावनि सार्थखौ सुफुंनयनि खामानियाव बाहायदोंमोन मुश्रिमा गान्धीया । सोरनि हेंथायै मुश्रिमा गान्धीया संबिजिरारि गोहोखौ बेरेखायै बाहायदोंमोन ?

25 जुननि हर गेजेर, दिल्लीनि गान्धी पिस फाउन्डेसननि गाहाय मावखुलियाव साननि मेनायनि उनाव जय प्रकास नारायनआ जिरायोमोन । बेसोयाबो मानसिखौ लोरबां खालामदोंमोन । बेयावनो बियो जाख्ल'थायनि हेंथायै फोसावनाय संग्रामाव जोबैरेनो नांथाबनानै थानो गोनां जादोंमोन । बै समाव बिथांखौ हमनायनि थाखाय गान्धी फाउन्डेसनाव पुलिसआ नुजाहैयो । बेनि सिगां सानखालि सुबुं मेलाव जय प्रकास नारायनआ एलाहाबादनि गोजू बिजिरसालिनि रायखौ नोजोर होनानै मुश्रिमा गान्धीनि बिबान नागारनायखौ दाबि दैखाडे । फाउन्डेसननि सोरबा सोद्रोमाया ब्रैथि खुन्थियानि खौरांगिरिफोरखौ जय प्रकास नारायननि ग्रेपटारनि खौरांखौ होनो फन खालामदोंमोन । नाथाय बिसोरो मिन्थियाखैमोनदि बे समाव गासैबो गाहाय खौरांबिलाइनि मावख'फोराव मोब्लिव जगायनायखौ बन्द खालामनाय जादोंमोन । गणतन्त्रनि ब्रैथि खुन्थियानि

गारांखौ होबथानो नागिरनाय खौसल बाहायदोंमोन गावनो गाहाय मन्थि इन्दिरा गान्धीया । दिल्लीनिल' नड, गोबां राज्योनिफ्राय फोसावजानाय गुबुन गुबुन खौरां बिलाइफोरनिबो फोसावनायखौ थाबथाहोदोंमोन । जय प्रकास नारायनखौ हमनो फेनाय पुलिसआ 17 जौथायनि दैदेनगिरिनि उन्दुनायनिफ्राय सिरि मोनखांनयखौबो नेयासै । उन्दुफुनाय समनिफ्राय बोखांना लाबोनानै बिथांखौ ग्रेपटार खालामनाय जायो । बे बिथिडव गागि खौरांगिरि कुलदिप नायारआ इन्दिरानि सोमोन्दै जय प्रकास नारायननि नोजोरखौ फोरमायो बेफोरबायदियै - "For long he (JP) and Mrs Gandhi had an uncle-niece relationship and he called her Indu. But over the years, especially the previous two, they had drifted apart. He considered her the fountainhead of corruption and the destroyer of basic values. And after the Allahabad judgement he said that she had no moral right to continue as Prime Minister. She should quit office immediately. Her clinging to office was " against all public decency and democratic practice." गावनि बिफानि लोगो, सासे गान्धीबादि बे दैदेनगिरिखौबो गोहोनि सार्थआव मुश्रिमा गान्धीया खोमसि ख'थासिम दैथाय हरनायाव जय प्रकास नारायनआ गावनो गावखौनो बुंदोंमोनदि - जोबस्रांनय समाव उल्था सोलो । ( बिनास काले बिपरित बुद्धि )

जय प्रकास नारायननि अनगायैबो ग्रेपटार खालामनाय जायो मरारजि देसाइखौ । अहिंसा खांथियाव फोथायग्रा मरारजिआ मोननैबो आखायखौ गथायनानै हमजायो । हमजानायनि साननै सिगाडव इटालिनि सासे खौरांगिरिया बिथांनि हमजानायनि जाथावनि खोथा मख'नायाव मरारजिया बुंदोंमोन - "इन्दिराया माब्लाबाबो बिब्दि मावनो हाया । मावनो गोनां जायोब्ला गिबियाव इन्दिराया गावखौ फोजोबस्रांना लागोन" । नाथाय बे गोथौ सोमोन्दो गोनां फोथायनायखौबो गाफलेनानै जेब्ला इन्दिरा गान्धीनि पुलिसआ थानानै मरारजिखौ हमबाय, अब्ला बिथांनि खुगानिफ्राय रिसारबाय मोनसे राव - "जेब्ला इसोरा सोरबा सुबुंखौ फोजोबस्रांनो नागिरो, गिबियाव बिखौ हमदोनो हायै जाहोयो ।"

बे बायदियैनो बेरेखा दैदेनगिरिफोर आरो खौरां बिलाइफोरनि गारांखौ होबथानायनि थाखाय इन्दिरा गान्धीया साननैसो सिगांनिफ्रायनो मोनसे खाबु नागिरदोंमोन । बेनि थाखाय सिगांनिफ्रायनो थियारि खालामदोंमोन । गाहाय मन्थिनि मावखुलिनिफ्राय राज्योफोरनिफ्राय गुबुन गुबुन दैदेनगिरिखौ हमनायनि फोसावथाय हरनाय जादोंमोन । हमनो गोनां दैदेनगिरिफोरानि फारिलाइखौ मुश्रिमा गान्धीनिफ्राय गनायथि लानाय जादोंमोन । बेबायदियैनो फारिलाय थियारि खालामनायाव रिचार्ज एन्ड एनालाइटिकेल उर्वि एबा आर ए डब्लिउ (र')खौ बाहायनाय जादोंमोन । दैदेनगिरिफोरखौ बवे आयेननि सिडव हमनाय जागोन बेनिबो थाग-थियारि खालामनाय जादोंमोन । प्राय मोनसे बोसोरनि सिगां The Maintenance of Internal Security Act. एबा (मिसा) आयेनखौ सोदंनय जादोंमोन । बे सोदंनय समाव संसदाव सरकारा खोथा होदोंमोनदि बै आयेनखौ राजखांथि बादायगिरिनि हेंथायै बाहायनाय जानाय नख । नाथाय इन्दिरा कंग्रेसआ इमार्जेन्सि हालोदाव बै आयेनखौ बाहायदोंमोन राजखांथियारि बादायारिफोरखौ हमनायनि थाखाय । हारियानानि गिबि मन्थि बंशीलालआ दिल्लीयाव हमनाय दैदेनगिरिफोरखौ हारियानानि जोबथेसालियाव दोन्नो खालायदोंमोन । बिथाड मुश्रिमा गान्धीखौ बुंदोंमोन - "आं रहटकराव मोनसे गिदरि आरो गोनोखौआरि जोबथेसालि लुनानै दोन्दों" ।

बेफोर बायदियैनो जय प्रकास नारायन, मरारजि देसाइ, अशक मेहता आरो जन' संघनि दैदेनगिरि अतस बिहारी भाजपेइ आरो लाल कृष्ण आदवानिखौबो बन्दि खालामनाय जायो । 26 जुननि फुंसिमाव फारिलाइ बायदियै प्राय गासैबो दैदेनगिरिफोरखौ जोबथेसालियाव दैथाय हरनाय जाबाय । हमजानायनि अन्जिमाखौ मावख'आरि महरै बुंनय जाबाय 676 होन्नानै । जय प्रकास नारायननि हेंथायै मावराहा नाजावनाय आरो राष्ट्रीय स्वयं सेवक संघखौ होबथानायनि राहाखौ सिगांनिफ्राय थियारि खालामखादोंमोन । सोनाब बंगनि गिबि मन्थि सिदार्थ शंकर रायआ गांसे अर्डिनेन्सनि गेजेरजों स्वयं सेवक संघखौ होबथानायनि थांखि होदोंमोन ।

बै समाव जन'' संघनि जोहै सोबखानाय आरो फोसावजानाय रिन् सानआरि खौरां बिलाइ "पान्वजन्म", सानसेयारि खौरां बिलाइ "तरुन भारत" आरो दानसेयारि हिन्दी लाइसि "राष्ट्र धर्म"नि फोसावनायखौ होबथानाय जाबाय । सानैसो पुलिसआ जेबो रोखोमनि सार्ज वारेन्ड गैयालासे बै खौरां बिलाइफोरनि मावखुलियाव हाबबाय, प्रेसनि मावफारियाफोरखौ बुखुं-बुसि खालामनानै बायजोआव होखारहबाय आरो मावखुलिखौ थाला होनानै बन्द खालामनाय । सरकारखौ गिनानै खौरां बिलाइफोरनि फोसावगिरिफोरखौ हेफाजाब खालामनो सासेबो उखिलफोरा ऑंखारबोयासै । जायफोर ऑंखारबोदोंमोन बिसोरखौबो भारतनि रेखाथि आयेननि सिडव हमनाय जाबाय ।

आसामावबो बै समनि कंग्रेस सरकारा गोबां सा इन्दिरानि हेंथा दैदेनगिरिफोरखौ हमनानै जोबथेसालियाव दैथाय हरदोंमोन । बैसोरनि गेजेराव दंमोन - रेनुका देबि बरकतकि, देबेस्वर शर्मा, कगेन गौ, पुर्न नारायन सिंह, दुलाल बरुवा, गलाप बरबरुवा, निबान बरुवा, लखेस्वर गगाइ, रमनि बर्मन, भुवनेस्वर बर्मन, इन्द्रेस्वर गस्वामी बायदि बायदि ।

बेफोर बायदियैनो उदांसि खुंथाय भारतआव सुबुंखांथिनि गेजेराव बेले-बेजे जादोंमोन सासे आइजो दैदेनगिरिनि आखायाव । गागि खौरांगिरि के टि जे महनआ मुश्रिमा गान्धीखौ मुलुगनि गिबि आइजो डिक्टेटर्सपि दैदेनगिरि होन्नानै बुंदोंमोन । मोनफ्रोमबो बोसोरनि 25 जुन सानाय भारतारि सुबुंखांथिनि बै गोसोम आयदानि खोथाखौ जों गोसोखांबोबाय थादों । बि जे पि दोलोनि बिमा महर जन'संघखौ लाफानानै कंग्रेसनि गासैबो बेरेखा दोलोखौ हुखोमोरनानै, खौरां बिलाइनि गारांखौ गद'बनानै सुबुंखांथिनि ब्रैथि खुन्थियानि फासं कंग्रेस दोलोआ माबायदियै अलखद लाबोदोंमोन, भारतारि जारिमिननि बै खोमसि बिलाइ जाहाते आरोबाव जोफिना बेनि थाखाय जों बयबो थांखि लानो नांगोन । भारतारि संबिजिर आरो सुबुंखांथिनि फासं बाउसोमनानै थानायनि सार्थआव दिनें 25 जुन सानाय जों बे थांखि लानि फैदो ।

# बिजयाशान्तिखौ साउथ सावथुनि लेडी सुपारस्टार बुंनाय जायो

गोदान दिल्ली, 24 जून : साउथ आरो बलिउड सावथुनफोरनि मुंदांखा फावखुंग्रि बिजयाशान्तिआ 55 बोसोरनि जाबाय। बियो 24 जून 1966 आव चेन्नाइनि तामिलनाडु आ जोनोम जादोंमोन। एक्टिजों लोमोसेनो बियो राजखास्थियावबो सांग्रां जादों। माखासे रावफोरनि सावथुनफोरफाव खालामनाय बिजयाशान्तिखौ साउथ सावथुननि लेडी सुपारस्टार बुंनाय जायो। बियो 1991 आव सावथुन कर्तब्यम 'नि थाखाय बेस्ट फावखुंग्रिनि नेसनेल सावथुन एवार्डखौ मोनखांबाय। तेलुगु सावथुनआव फाव खालामनायनि थाखाय 5 खेब बियो सावथुन फेयार बेस्ट फावखुंग्रिनि एवार्ड मोनखांबाय।



चेन्नाइनिफ्राय हाइस्कुलनि सोलोंथायखौ फुरा खालामनायनि उनाव बियो एक्टि केरियारखौ जागायदों। बियो 1980 आव तामिल सावथुन केल्लुकुल इरमजों गावनि फाव खालामनायनि दावबायनायखौ जागायदों। बे

बोसोरावनो बियो सावथुन खिलाडी कृष्णाडु 'जों तेलुगु सावथुन फोरारबो डेव्यु खालामदों। तेलुगु सावथुनफोरार लान्थियै फाव खालामनायनि जाहोनाव बिखौ तेलुगु सावथुनफोरनि ग्लेमरस कुइन बुनाय जादों। बियो साउथनि सावथुनफोरार ग्लेमरस फावखुंग्रिनि फाव

खालामदों फार्सेंथि बियो माखासे सावथुनफोरार एक्सन लेडीनि फावबो खालामदों। बियो माखासे सावथुनफोरार पुलिस अफिसारनि फावबो खालामदों। बियो 19 सावथुनफोरारखौ फावखुंग्रि चिरन्जीवीं लोमोसे खालामदों। लोमोसेनो फावखुंग्रि बालकृष्णजों लोमोसे 16 सावथुनफोरार फाव खालामदों तामिलनि सुपारस्टार रजनीकान्तजों लोमोसे सावथुन मन्नान आरो कमल हासनजों लोमोसे इन्ड्राडु चन्ड्राडु सावथुनआव फाव खालामदों। बियो चेलेन्ज पासोबादी प्रजाम, मुदुला कृष्णैया अग्नि पत्रिम, यामुडिकी भगुडु, अथाकु यामुडु अमायकी गुडु, मुदुला माबाया, कन्डाबिली डन्ना, गंग लीडर, जों लोमोसे माखासे सावथुनफोरार फाव खालामदों।

बियो सावथुन इश्वरजों बलिउड आव डेव्यु खालामदोंमोन। बे सावथुनआव बिजों लोमोसे बलिउड फावखुंग्रि अनिल कापुरआ फाव खालामदोंमोन। बेनि अनगायै बियो माखासे आरोबाव हिन्दी सावथुनफोरार फाव खालामदों। 1998 आव बिजयाशान्तिया बिजेपिआव बाहागो लादों। बिखौ थाबैनो बिजेपिनि आइजो दालायसा अफादनि सेक्रेटारि बानायनाय जादों। 1999 नि लकसभा बिसायख 'थियाव बियो कुडप्पा लक सभा मासिनिफ्राय बिजाधि जादोंमोन। उनाव बियो गावनि मुंखौ लाफिन्दोंमोन। बियो गावनि आलादा राजखास्थि दोलो ताली तेलेंगाना बानायदों, जायखौ उनाव तेलेंगाना रास्ट्र समितियाव सरजाबनाय जादों।

# गाहाम देहानि राहा

## मेथाइ गोदैनिफ्राय गथ ' फोरखौ जानगाराव दोन्नांगौ

गथ 'फोर खौ चकलेट, कुकीज, टफी आरो गोदै गोलाव मिथाइफोरनिफ्राय जानगाराव दोन्नाया गोब्राब खामानि। फिथाइखौ नुब्लानो गथ 'फोरा जानो लुबैयो। बिमा-बिफाय हाथाय गाग्रि जागोन होन्नानै गथ 'फोरनो गोदै-गोबाबखौ जाहोया। नाथाय उन्दै समाव गोबां गोदै थानाय मेथाइखौ जायोब्लाबो गथ 'फोरा गुफु देहानि मैडुर जानांनो हागो आरो बेजों लोमोसे माखासे बेरामफोरनि खौ फोदयाबो बाडो। गथ 'फोरनो गोदै जाग्रा आदारखौ सिमा गोनां जाहोना बिसोरनो हेल्दी गोनां जाग्रा आदारखौ जाहो नांगो। गथ 'फोरा मोजाडै देरनाय लावनायनि थाखाय हायो।



जाग्रा आदारखौ बानायना जाहोनांगौ। कालार फुल सालादखौ क्रेटिभ रोखोमै हानानै गथ 'फोरनो रान्ना होनांगौ। न'याव बानायनाय जाग्रा आदारखौ मोजाडै साजायना गथ 'फोरनो रान्ना होनांगौ। गथ 'फोरा मोजाडै देरनाय लावनायनि थाखाय हायो।


## कार्तिक आर्यनआ गावनि गोदान सावथुन 'सत्यनारायण की कथा' खौ फोसावबाय



गोदान दिल्ली, 24 जून : फावखुंग्रि कार्तिक आर्यनआ बुधबाराव गावनि रिलिज जानो गोनां सावथुन 'सत्यनारायण की कथा' खौ फोसावबाय। कार्तिकआ ससियेल मिडियाआव गावनि बे मिडिजकेल लाभ सागा सावथुनखौ फोसाववानै मोनसे मशन टीजारखौ सेथार खालामदों। बे टीजारनि केप्सनआव कार्तिकआ लिरदों, आंनि गोसोजों खाथि सोमोन्दो गोनां मोनसे सल 'सत्यनारायण की कथा'। जरखा सुबुफोरजों लोमोसे मोनसे जरखा सावथुन। टीजारआव बेखौबो फोरमायनाय जादोंदि, बे सावथुनआ 2022 आव सिनेमाहलआव रिलिज जागोन। बे सावथुनआव कार्तिक आर्यनखौ गाहाय फावआव नुनो मोनगोन। बे सावथुनखौ नेसनेल एवार्ड उइन्गर डायरेक्टर समीर बिदबन्सनि बिथोन होनायाव बानायगोन। बे सावथुनखौ साजिदनाडियाडवालाया प्रडिउस खालामगोन। आथिखालाव बेखौ फोरमायनाय जायाखैदि बे सावथुनआव कार्तिकनि अपजिटआव सोर फावखुंग्रिखौ कास्ट खालामनाय जागोन।

## इन्दिरा गान्धीनि बाय 'पिकनि थाखाय कंगना रनटआ साखा-फारा जादों

गोदान दिल्ली, 24 जून: जया ललितानि बाय 'पिकनि उनाव कंगना रनटआ इन्दिरा गान्धीनि बाय 'पिकनि थियायिखौ जागायबाय। कंगनाया ससेल मिडियाआव बे प्रिपारेसनजों सोमोन्दो गोनां भिडिआ आरो सावगारिखौ शेयार खालामदों। जेराव बिखौ प्रस्थेटिकनि थाखाय साखा-फारा जानाय नुनो मोन्दों। बिनि बडिआ स्केन जादों। कंगनानि बे सावथुनखौ सड कबिरआ बिथोन होगोन। सावगारिखौ शेयार खालामनानै कंगनाया लिरदों-मोनफ्रोमबो फावआ मोनसे गोदान दावबायनायनि मोनसे समायना जागायनाय जायो। दिने जों बडि, फेस स्केन आरो कास्टजों लोमोसे सावथुन इमारजेन्सि इन्दिरानि दावबायनायखौ जागायदों, जाहोथे लुकआ नंगुबै जायो। गावनि नोजोरथिखौ पर्दायाव दिन्थिनो थाखाय गोमोथाव फावगिरिफोरजों लोमोसे फेगासिनो दड। मणिकर्णिका प्रडाक्सनि बेयो गोबां जर'खा सावथुन जागोन।



तामिलनाडुनि सिपम जानाय जे जया ललितानि बाय 'पिक थलाइबीआ 23 एप्रिलआव थिएटरआव रिलीस जानो थाखाय थियायि जादोंमोन, नाथाय हादरआव करनानि नैथि दोहौनि जाहोनाव सावथुनखौ पस्टपन खालामनाय जादोंमोन। प्रडाक्सनजों सोमोन्दो गोनां सुलुनि बादिब्ला, गावसोरनि यजनाया बे बोसोरनि आगस्टआव आरो सिनेमा हलआव'ल' सावथुनखौ रिलीस खालामगोन। थलाइबीनि अनगायै कंगनाखौ सावथुन धाकडुआवबो नुनो मोनगोन।

रजनीश घाड़जों बिथोन होजानाय बे एक्सन एन्टारटेनार सावथुनआव अर्जुन रामपाल आरो दिव्या दत्तआबो गाहाय फाव खालामगोन। मेकासंआ बे सावथुनखौ 1 अक्टबर 2021 आव रिलीस खालामनो थांखि लादों। बेनि अनगायै कंगनानाव तेजसबो दड-जेराव बिखौ सासे एयारफर्स अफिसारनि फावआव नुनो मोनगोन।

## सनु सुदआ साइकेल लानानै ब्रेड, दावदै फान्नो ओंखारदों

मुम्बाइ, 24 जून : फावखुंग्रि सनु सुदआ करना भाइरासजों भुगिनांनय सुबुफोरखौ फारफ्रोमथिबो मदत खालामनो नाजादों। गावनि रीमेन्ट ससियेल मिडिया पस्टआव बिखौ साइकेलआ ब्रेड आरो दावदै फाननाय नुनो मोन्दों। बिनि बे भिडियआव गोबां भाइरेल जादों। भिडियखौ नायनानै हमदांनो हादोंदि, सनुआ गावनो गावनि दावदै आरो ब्रेडनि फालांगिखौ जागायदों। बियो बेखौ सनु सुदनि सुपारमार्केट मुं दोन्दों। सनु सुदनि मोनसे गोमोथाव भिडियआ सोराडव फेदों। बेखौ नुनानै हमदांनो हादोंदि, बियो दावदै, ब्रेड आरो गुबुन फुड आइटेमफोरनि मबाइल स्टोरखौ जागायबाय। बुधबाराव बियो इन्स्टाग्रामआव मिनिथाव भिडियखौ पस्ट खालामदों। बेवहाय बिखौ



साइकेलआव नुदों आरो बियो गावनि प्रडाक्टफोरनि डिटेल्खौ फोरमायदों। सनुआ गुफुर टीसार्ट, जीन्स आरो स्नीकासं गानदों। फेन्सफोरा बिनि बे भिडियखौ गोबां मोजां मोन्दों। भिडियआव सनुआ बुंदों, सोर बुडो मलआ बन्द जाबाय होन्ना? बयनिखुडबो बांसिन इम्पेटेंट सुपार मार्केटआ थियायि दड। गासिबो आंनाव दड।

दावदै दड जायखौ 6 रांआव मोनगोन। ब्रेड गिदिर दड, जायखौ 40 रांआव मोनगोन। इन्स्टाकेप्सनआव बियो लिरदों, हम डिडिभायि। 10 दावदैफोरजों लोमोसे मोनसे ब्रेडखौ बेसेन नाडै मोनगोन। सनुआ बुंवावो जेखौखि नाड आवगायबोनो हागोन। आथिखालाव डिडिभायिनि सम जाबाय।

## अली फजलआ 3 इडियटस 'नि सुइसाइड सीननि उनाव डिप्रेसनआव थादोंमोन

गोदान दिल्ली, 24 जून : बलिउड फावखुंग्रि आमिर खान, आर माधवन आरो शरमन जसीनि 2009 आव रिलिज जानाय सावथुन 3 इडियटसआ बलिउडनि बयनिखुडबो हिट सावथुनफोरनि गेजेराव मोनसे। बे सावथुननि सल 'खौ सुबुफोरा 12 बोसोरनि उनावबो बावनो हायाखै। राज कुमार हिरानीनि गेजेरजों बिथोन होनाय 3 इडियटसआ माखासे सुबुफोरखौ मटिभेट खालामदों। बे सावथुनखौ खालामनायनि उनाव बलिउड फावखुंग्रि अली फजलआ डिप्रेसनआव थादोंमोन। बे बाथ्रानि खौरांखौ अली फजलआ बावैसो समाव मोनसे इन्टारभिडनि समाव फोरमायदों। अलीआ



फोरमायदोंदि, 3 इडियटसनि उनाव बिनि सायाव माखासे औरैबायदि जाथाया जादों, जाय फावखुंग्रि खौ जे'नायाव खोखैदों बियो डिप्रेसनाव थादों। मख 'नो गोनांदि, अलीआ 3 इडियटसआव सासे

स्टुडेन्टनि फाव खालामदोंमोन, जायनि मुंआ जय लव मोन, जाय गावनि इन्जिनियारि फाइनाल इयारआव खिरकीजों बाजुमनानै सुसाइड जानो नाजायो। मोनसे बाधा सावरायनायाव अलीआ

फोरमायदों। जेब्ला गाव 3 इडियटस खालामनो जागायदोंमोन, अब्ला डिप्रेसनआव थादोंमोन। गाव सावथुनआव फिसा फाव खालामदोंमोन। बेनि उनाव माखासे निउजफोरा गावनि सिगांडाव फेदों, जेराव लिरदोंमोनिदि, माखासे कलेजनि फरायसाफोरा गाव गावखौनो ख'हा खालामना लादोंमोन आरो उनाव मोनसे खौरां दैथायग्रा चेनेलनिफ्राय पन फेदों जेराव बुंनाय जादों- सार नोंथाड सावथुनआव जैरे बायदि फाव खालामदोंमोन। बेयो बेबायदिनो जादों। नोंथाड बेनि सोमोन्दै मा हमदांथियो? बै समाव गाव आबुडै गोसो बायगिदोंमोन।

गोदान दिल्ली, 14 जून : दा कपिल शर्मा श्व'आव भुरीनि फाव खालामनानै साफ्रोमखौबो गोमो होनाय सुमना चक्रवर्तीआ दिने 35 बोसोर फुरा जाबाय। 'बड़े अच्छे लगते हैं' टेलिभिसन श्व'जों मुंदांखा जानो हानाय सुमनाया गावनि एक्टि केरियारखौ आमिर खान बायदि गिदिर फावगिरिफोरनि सावथुनजों जागायदोंमोन, जायनि माखासे बोसोरनि उनाव बियो टेलिभिसन श्व'फोरनि गेजेरजों सिनायथिखौ मोन्नो हादों। मख 'नो गोनांदि, 24 जून 1986 आव लक्ष्मीआव जोनोम मोन्नाय सुमना चक्रवर्तीआ चाइलन्ड आर्टिस्ट महरै 11 बोसोर बैसोआव मन सावथुनजों बलिउड डेव्यु खालामदोंमोन। 1999 आव रिलिज जानाय बे सावथुनआव आमिर खान आरो मनिषा कडरालाया गाहाय फाव खालामदोंमोन। गिबि सावथुननि 6 बोसोरनि उनाव



सुमनाया कसम से स्वजों टेलिभिसन डेव्यु खालामदोंमोन। बेनि उनाव फावखुंग्रि या डिटेक्टिभ डल, कस्तुरी, सुन यार चिल सार, सपनों से भरे नैना आरो खटे सिक्के बायदि स्व'फोरनिबो बाहागो जादों, आथिखालाव बे श्व'फोरजों सुमनाया सिनायथिखौ मोन्नो हायाखै। सुमना या 2011 आव बै समाव न'- न'आव सिनायथि मोन्दों जेब्ला बियो

सुनाआ मन्जु शर्मा, सरला आरो भुरीनि फाव खालामदोंमोन, जायखौ लाजिफोनां जानाय नुनानै साफ्रोमबो मिनियोमोन। 2020 आव लकडाउननि समाव सुमनाया ससियेल मिडियानि गेजेरजों फोरमायदोंमोनदि, बिनियाव गोबाव समनिफ्राय खामानि गैया जादों। मोनसे इन्टारभिडआव फावखुंग्रिया फोरमायदोंदि, सुबुफोरा गावखौ खामानिनि थाखाय बांसिन रां लायो होन्ना नंखाय सानखाडो, बेनिखायनो सुबुफोरा गावनो अफार होनो गियो। लोमोसेनो फावखुंग्रिया फोरमायबावदों गाव इन्स्ट्रीनि बांसिन पार्टिफोरार थांनो मोजां मोना, जायनि जाहोनाव कन्टेक्ट लानो हाया। माखासे बोसोर खामानि मोनाखैब्लाबो सुमनाया आथिखालाव गावनि नख 'रखौ सामलायदों।

## मेहबुबा मुफ्तीखौ जोबथेसालियाव जोबनांगौ होना जम्मुयाव धर्ना होदों

गोदान दिल्ली, 24 जून : जम्मु काश्मीरनि केसआव पाकिस्तानखौबो सावरायनायाव लाफानो मेहबुबा मुफ्तीनि बाश्चा बुनायखौ जम्मु काश्मीरआव गोखों फिनजाथाय होदों। बृहस्पतिबाराव जम्मुनि डगरा फ्रन्ट मुनि फसथानजों लोब्बा थानाय सुबुफोरा लामायाव ओंखारो आरो मेहबुबा मुफ्तीनि बेरेखायै धर्ना होयो। बे धर्ना होनायाव दाबिबो दैखाडोदि बे बिबुंथि होनायनि थाखाय मेहबुबाखौ जोबथेसालियाव जोबनांगौ। गुपकार जुथाय दोलोफोरनि जथुमानि उनाव धर्ना होनायाव मुफ्तीनि बिबुंथि होनायनि बेरेखायै। काश्मीरनि आयदायाव पाकिस्तानबो मोनसे आरो



बेखौ सावरायनांगौ। बे बिबुंथि होनायनि थाखाय बिबुंथि जोबथेसालियाव देथायहरनांगौ। पिडिपिनि दैदेनगिरि आरो जम्मु काश्मीरनि बारग' गिबि मन्थि मेहबुबा मुफ्तीया मंगलबाराव बे बिबुंथिखौ होदोंमोन। दिनेनि काश्मीरनि आयदाखौ लानानै खुंनाय गाहाय मन्थिनि जथुमायाव नेसनेल कनफरेसनि

दैदेनगिरि फारुक आबुल्ला आरो कंग्रेसनि दैदेनगिरिफोरबो बाहागो लायो। मख'जाथावदि 2019 नि आगस्टआव आर्टिकल 370 आरो 35 ए खौ बोखारनायनि उनाव बेयाव राजखाथि दोलोफोरजों जथुमै सावरायज्जायनाया बेयो मिरु सरकारनि गिबि जथुमा।

गोदान दिल्ली, 24 जून : मोनसे सार्भेनि बादिल्ला, करना भाइरास इनफेक्सननि समाव सुबुफोरा खौरां बिजोंनि सायाव फोथायनाया बांदों। मुलुगयारि थाखोआव 44 जौखोन्दो सुबुफोरा बुंदों, खौरां बिजोंनि सायाव बांसिन फोथायदों, नाथाय भारतआव बे अन्जिमाया 38 जौखोन्दोनिफ्राय बाडइ। भारतआव गोजाम प्रिन्ट ब्रान्ड, सरकारि फोसावदि दुरदर्शन आरो अल इन्डिया रेडियाखौ बांसिन फोथायदों, जेराव प्रिन्ट मिडियाआ सरासन्ना महरै खौरांनि बिजों चनेलफोरनि रुजुनायाव बांसिन फोथाय जाथाव जादों। अक्सफर्ड इडनिभासिंतिनि रायटार्स इन्स्टिटुट फर दा स्टाडी अफ जर्नालिज्मनि गेजेरजों दर 46



हादतफोरनि सार्भेआव खौरां बिजोंनि सायाव फोथायनायनि केसआव फिनलेन्डआ 65 जौखोन्दोजों लोगोसे बयनिखुइबो गोजौसिनाव थादों,

जेराव आमेरिकाया 29 जौखोन्दोजों स्करजों लोगोसे बयनिखुइबो गाहायसिनाव थादों। सार्भे खालामनायाव मोनथिनो मोनबावनाय जादोंदि,

भारतआव मोन 4 गिदिर इन्टरनेट जौसांफोर फेसबुक, टुइटर, युट्युब आरो इस्टाग्रामखौ बांसिन मोजां मोन्दों। सार्भेआव इसारा होनाय जादोंदि, बेनि अन्जिमाया

भारतआव गाहाय महरै इराजि राव रायज्जायग्राआ अनलाइन खौरां बिजोंनि बाहायगिरिफोरनि सार्भेनि सायाव बिथा खालामनाय, जाय हादतआव मोनसे गिदिर, आसारखाथि गोनां आरो हादतनि मिडिया बाजारनि मोनसे फिसा लेडइ हान्जा दं। सार्भेनि बादिल्ला, एसिया-प्रशान्तआव भारतनो 8 थि थाखोखौ होनाय जादों, जेराव थाइलेन्डआ गिबि थाखोआव थादों, 50 जौखोन्दो बाहायगिरिफोरा बुंदों, गावसोर खौरां बिजोंखौ फोथायो। भारतीय बाहायगिरिफोरा करनानि सोमोन्दै नंखाय खौरांखौ वाटसएपनिफ्राय 28 जौखोन्दो, फेसबुकनिफ्राय 16 जौखोन्दो, युट्युबनिफ्राय 14 जौखोन्दो गुगलनिफ्राय 7 जौखोन्दो आरो टुइटरनिफ्राय 4 जौखोन्दो मोनायाव जिंगा सिनायखौ फोरमायदों।

## भारत आरो आमेरिकाया भारत लैथोमायाव गिदिर दावहानि हुदाखौ जागायबाय

गोदान दिल्ली, 24 जून: ओन्सोलाव चीननि बारयनाय सान्थियारि नुजाथिनायखौ होबथानो आरो गावसोरनि गोहो बारयनायखौ नोजोर होनानै भारत आरो आमेरिकानि सान्थिफोरा भारत लैथोमायाव थानाय बुधवारखालि साननेनि थाखाय गिदिर दावहानि हुदाखौ जागायो। केरेलानि राजथावनि तिरुअनन्तपुरमनि खाथियाव खालामनाय दावहानि हुदानि थाखाय आमेरिकाया गुन्द्रासा हाथियारफोरजों लेस जानाय उरं जाहाज बागलायग्रा गाथोन इडएसएस रनाल्ड रिगाननि दैदेनायाव नेभिनि दावहा नांग्रा हान्जाखौ थिसन्नाय जादों। बे दावहानि हुदायाव एफ-18 दावहार उरं जाहाज आरो ई-2 सि हाक आइ आल वेडार उरं जाहाजआवो बाहागो लादों। बेरफार्से भारतनि फार्सेनिफ्राय जागुआर आरो सुखइ-30 एमकेआइ दावहा नांग्रा उरं जाहाज, आइएल-78 बारवनो



इन्धन सोग्रा टेंकार उरं जाहाज, अवाक्स उरं जाहाज आरो दावहा नांग्रा कच्चि आरो तेगआवो बाहागो लादों। नेभिफोरबो पि-8 आइ लैथोमायायि उरं जाहाज आरो मिग-29 जों लोगोसे गुबुन उरं जाहाजफोरखौ बे

दावहानि हुदायाव बाहागो खालामदों। आथिखालाव सिएसजिखौ भारत लैथोमा ओन्सोलावल' थिसन्नाय जायो। बे साननेनि दावहानि हुदानि थांखिया फारनेथिजायनि सोमोन्दोफोरखौ गोखों

खालामनाय आरो लैथोमायायि हाबाफारिआव गोहोखौ बारयहोनाय। मानोना थानाय माखासे बोसोरनिफ्रायनो भारत आरो आमेरिकानि गेजेरव रेखाथि सोमोन्दोआव गोखोंथि सोमजिदों।

गोदान दिल्ली, 24 जून: करना भाइरासआ माबोरै सोमजिखोंदों आरो बेयो माबोरै गोसारदों बेखौ लानानै नायबिजिरिफोरा बुंदोंदि, बे भाइरासआ गिबियै चीननि वुहान सहरआव थानाय आन्जिमाया वुहान आरो गोसारदोंमोन। नाथाय बेनि गेजेरवनो वुहानआव थानाय इनस्टिटुट अफ बायर'लजिखौ चीननि बयनिखुइबो मख'जाथावसिन बिगियानगिरि बान्थानि थाखाय नमिनेट खालामनाय जादों। चाइनीज एकाडेमि अफ साइन्सेसआ वुहान इनस्टिटुट अफ बायर'लजीनो कभिड-19 नि सायाव मोजां संदानायनि बिथिडव गोखों नाजानायफोरनि थाखाय बे गोजौ थाखोनि बान्थाखौ होनायनि थांखियै बेखौ नमिनेट खालामनाय जादों। माखासे रिपर्टफोराव फोरमायनाय जादोंदि, चीननि

एकाडेमि अफ साइन्सेसनिफ्राय बुंदोंदि, बे आन्जादसालिआ फिन खेवसेबाव मख'जाथाव संदानायनि गेजेरजों कभिड-19 भाइरास सोमजिखोंनाय, इन्फेक्सननि बिगियान आरो बेनि बेरामआव खोख्लैनाय मेकानिज्म बायदिखौ मिथिनायाव मदद मोन्दों। शी झेंलीआ वुहान आन्जादसालियाव जिब-

जुनातफोरनि संदानायखौ दैदेनो। एकाडेमि अफ साइन्सेसआ बुंदोंदि, वुहान लेबनि संदानगिरिफोरनि हान्जाया करना भाइरास इन्फेक्सननि जाहोनफोरखौ गोथौयै आरो गोखोडे नायबिजिरिदों। बेनि फिथाइजोंनो करना भाइरासनि हेंथायै मुलिफोर आरो भेक्सिन बानायनायनि लामाया रोखा जादों। एकाडेमिनि बादिल्ला,

वुहान इनस्टिटुट अफ बायर'लजीनि रिसार्चआ करना भाइरास इन्फेक्सनखौ होबथानाय आरो करनानि भेक्सिन बानायनायनि बिथिडव मख'जाथाव बिहोमा होदों। मख'जाथावदि, बे लेबनि बिथोनगिरि डा: झेंलीनि सायाव गेन अफ फांक्सन (जिआएफ) बादि बाहायनायनि दायबो जाबसिनखांबाय।

## महारास्ट्रनि दन्दरआव थानाय बादामालि-फोरनाव निपाह भाइरासनि गिबि केस मोन्दों

गोदान दिल्ली, 24 जून: महारास्ट्रनि सतारा जिल्लानि महाबलेश्वरआव थानाय दन्दरफोराव निपाह भाइरास मोनायनि खौरां मोनाय जादों। महाबलेश्वरखौ भारतनि मिनि काश्मीरखो बुनाय जायो। बेयाव बोसोरफोमबो रोजा-रोजा अन्जिमानि दावबायारिफोर फेयो। थानाय 2020 आव पुणेनि नेसनेल इनस्टिटुट अफ भायर'लजीआ महाबलेश्वरनि दन्दरनिफ्राय बादामालिफोरनि नमुनाखौ लादोंमोन। बेखौ नायबिजिरिनायाव निपाह भाइरास मोन्नाय जादों। सुलुडाव फोरमायनाय बादिल्ला, महारास्ट्रआव बेबादि भाइरासखौ बादामालिनाव मोन्नाया गिबि केस। बेखौ मिथिनो मोन्नायनि उनाव सतारा जिल्लानि महाबलेश्वर आरो पन्वगनीनि दावबायारि जायगाफोरखौ बन्द खालामनाय जाबाय। सुलुडाव



फोरमायनाय बादिल्ला, बेयो जेबो गोदान भाइरास नडा। मानोना सिगाडावबो बेनि इन्फेक्सनखौ होबथाखांबाय। थानाय 2018 आव निपाह भाइरासनि जाहोनाव केरेलायाव सा 17 सुबुफोर थैदोंमोन। बे भाइरासजों इनफेक्सन जानाय 75 जौखोन्दो बेरामिफोर थैयो। बेनिखायनो बेखौ मोनसे डेडली भाइरासबो बुनाय जायो। आथिखालाव बेनि जेबो

मुलि ओंखायखै। नाथाय गाइड लाइनआव सुबुरुन होनायानो रैखा खालामनायनि मोनसे राहा। गाहायै बे भाइरासआ बादामालिजों गोसारो। बादामालिआ जाय फिथाइखौ जायो बेयावनो बे भाइरासआ थालाडो। बेबादिआव जेवला बबेबा जुनात एवा सुबुडा बे फिथाइफोरखौ जायोवला बेजोंनो इनफेक्सन जायो।

## शपियांआव रैखाथि हान्जाफोरजों गावलायनानै हिज्बुल मुजाहिदिनि सासे उतखारि थैदों



श्रीनगर, 24 जून: जम्मु-काश्मीरनि शपियां जिल्लानाय थानाय बुधवारखालि रैखाथि हान्जाजों गावलायनायाव हिज्बुल मुजाहिदिनि सासे उतखारि थैयो। थैनाय उतखारिआ बे ओन्सोलाव गोबाव समनिफ्रायनो दडमोन। पुलिसनि बादिल्ला, खोला

काश्मीरनि शपियां जिल्लानि शिरमल ओन्सोलाव उतखारिफोर थानायनि मोनसे संगालि खौरां मोन्नायाव रैखाथि हान्जाफोरा बंखन्ना लानानै अपारेसन खालामो। बेयाव उतखारिफोर थानायखौ मिथिनो मोन्नायनि उनाव बिसोरनो गावखौनो गथायनो खाबु होयो। नाथाय

उतखारिफोर बेखौ गनायालासे रैखाथि हान्जानि सायाव गुलि गावनो जागायो। बेनि उनाव रैखाथि हान्जायावो फिन्नाय होयो। बिथाड फोरमायनाय बादिल्ला, बे समाव जानाय गावलायनायाव सासे उतखारि थैयो आरो बिनि गोथै सहखौ जाथायथिलिनिफ्राय नागिरिनानै

मोन्नाय जादों। बुंथिगिरिआ थैनाय उतखारिनि सिनायथिखौ अनन्तनाग जिल्लानि बडिगाम एशमुकम ओन्सोलनि थागिबि सज्जाद अहमद भट होनानै बुंदों। बिहा उतखारि आफाद हिज्बुल मुजाहिदिनजों सोमोन्दो दडमोन। बियो थानाय बोसोरनि सेप्टेम्बरनिफ्रायनो बे

जायगायाव दडमोन आरो माखासे उतखारिनि केसफोरावबो दंफायोमोन। पुलिसआ जाथाय जानाय जायगानिफ्राय हाथियार आरो गुलि-बारुद, गंसे मेजगिन, गंसे पिस्टल, थरसे ग्रेनेड आरो गुबुन बेरफ्राया बेसाद नागिरिनानै मोन्दों।

## करनानि मोनफ्रोमबो भेरिएन्टआव गोहोम गोनां सुपार भेक्सिन बानायदों

गोदान दिल्ली, 24 जून: करनानि गोदान भेरिएन्टआ मुलुगनि थाखाय सेलेन्स जादों। बेनि गेजेरव मोनसे मोजां खौराडा सोराडाव फेदों। बिगियानगिरिफोरा एरैबादि सुपार भेक्सिन थियारि खालामनाय थांखिनि साखाथियाव सौहैबाय, जायजों करनानि जाहोनाव सोमजिनो

गोनां इयुननि गासैबो रोखोमनि इन्फेक्सननिफ्राय रैखाथि मोनो हायो। आथिखालाव बे भेक्सिनखौ एन्जरनिनाय ट्रायेल नायखौनाय जाबाय। बे भेक्सिनखौ आमेरिकानि नर्थ केरलना इडनिभासिंतिआ थियारि खालामदों। बे संदानायखौ साइन्स जेनेरेलआव सेवखोंदों। बेयाव

बिगियानगिरिफोरनि बे संदानायखौ नैथि इयुन जोलैनि भेक्सिन होन्नानै बुनाय जादों। बिगियानगिरिफोरनि बादिल्ला, बे भेक्सिनआ खालि कभिड-19 ल' नडा करना भाइरासनि गासैबो रोखोमनि भाइरासजों जुजिनायाव मदद मोनगोन, जायखौ एन्जरफोरनाव बेखौ आन्जाद नायनाय जादों।

बेफोरो सार्च-कभ आरो करनानि नैथि भेरिएन्टजों भुगिनाय मोन। बिगियानगिरिफोरा फेगो बोसोरसिमआव सुबुनाव बे भेक्सिनखौ टेस्ट नायनो हागौ। बिगियानगिरिफोरा हमदादोंदि, इयुनआव करना भाइरासनि गुबुन गोदान भेरिएन्ट सोमजिनो हागौ। बे बादि खैफोदखौ

होबथानो थाखाय बे भेक्सिनखौ बानायनाय जादों। एन्जरफोरनाव टेस्ट नायनायाव भेक्सिनआ एरैबादि एन्टिबिड बानायदों जाय स्पाइक प्रटिननि हेंथायै गोहोम गोनां जागोन। खोला आफ्रिकायाव मोन्नाय 1.351 भेरिएन्टआवबो बे भेक्सिनआ गोहोम गोनां जादों।

# टकिय अलिम्पिकनि थाखाय थीम संग 'तु टान ले' आ रिलिज जाबाय

गोदान दिल्ली, 24 जून : जापाननि टकियआव जानो गोना अलिम्पिक मेचआ 1 दाननिफ्राय खम समाव दंसे। अलिम्पिक सानाव भारतीय दोलोनि थाखाय टकिय अलिम्पिक थीम संगखौ रिलिज खालामदों, जाय गेलेगिरिफोरजों लोगोसे भारतीय सुबुफोरखौबो थुलुगाखां होगोन। अलिम्पिक मेचनि थाखाय बानायनाय बे थीम संगआव बलिउड प्लेबेक सिंगार महित चौहानआ गारां होदों। अलिम्पिक साननि खाबुआव 'तुन टान ले' मुनि थीम संगखौ रिलिज खालामनाय जादों। बे थीम संगआव गाहाय मन्थि नरेन्द्र मदिनि मोनसे सुंदोब बिबुंधि होनायखौ खोनानो मोनगोन। जेराव गाहाय मन्थि मदिआ बुंदों सासे गेलेगिरिआ मुलुगनि माबेबा खनायाव आखाइयाव फिरफिला लानाने खारोक्ता



भारतआ गौरबखौ मोनदाथियो। थीम संगनि जोबथायाव भारतीय गेलेगिरिफोरखौ अलिम्पिकआव गोहोखौ दिन्थि होनायाव दं। अलिम्पिक साननि खाबुआव मिरुनि गेलेमु मन्थि किरन रिजिजुआ बुंदों, दिनें

अलिम्पिकनि सान आरो टकिय अलिम्पिकनि 30 साननि उल्था सानायाबो दिनें निफ्राय जागायजेनबाय। मेचखौ लानाने फुरा थियारि खालामनाय जाबाय। बे खेबआव गेलेगिरिफोरा मोजाडे गेलेनाने

रेकड बानायगोन। गाहाय मन्थिनिफ्राय लानाने सरासन्ना सुबुफोरा जौनि बादायारिफोरनि गोसोनि गोहोखौ बांहोगोन। गिबियाव जों गोबां खम मेचफोरखौ दैदेनदोंमोन। नाथाय बे खेबआव जौनि गेलेगिरिफोरा। गुबुन गुबुन मेचआव मोजाडे गेलेनाने दिन्थिगोन। जों टकिय अलिम्पिकनिफ्राय मोजा फिथाय मोनगोनखौ आसा खालामदों।

## बिकासआ टकिय अलिम्पिकयाव बाहागो लानो हानाय सासेल' बक्सार

गोदान दिल्ली, 24 जून : 75 कि:ग्रा: केटेगरियाव टकिय अलिम्पिकआव बाहागो लानाय बिकासआ सासेल' भारतीय बक्सार, जाय एसिया गेम्सआव 3 खेब मेडेल देरहादों। 2020 एसिया एसियाणा क्वालिफायरआव बिकासआ जापाननि बक्सारखौ फेजेनाने अलिम्पिकनि थाखाय क्वालिफाइ जादों। बिकासआ हारियानानि हिंसा जिल्लानि सिन्धवा खासआव जोनोम जादों। बिन फुरा नख'रा आथिखालनि समाव भिवानीआव थायो। बिकासनि बिफा कृष्ण यादवआ मोब्लिब बिफाननि मावसुमा। बियो बिकासखौ जागाय जेन्नायनिफ्रायनो गोखौ जाजानो गोसो जादोंमोन। बेनि थाखायनो 2001-02 आव बक्सि ट्रेनिनि



थाखाय दैथाय हरदों। बिकासआ हारियाना स्टेट केडेट थाखोआव गल्ड मेडेल देरहादों। नाथाय बे समाव बिखौ नेसनेलनि थाखाय सायख'नाय जायाखै। 2010 ग्वांगडु एसियाण गेम्सआव बिकासआ गल्ड मेडेल देरहादोंमोन। 12 बोसोरनि

उनाव भारतीय सुबुड एसियाण गेम्सआव गल्ड मेडेल देरहादोंमोन। 2014 इन्डियान एसियाण गेम्सआ मिडिलवेटआव ब्रन्ज मेडेल देरहादोंमोन। 2018 एसियाण गेम्सआवबो बियो ब्रन्ज मेडेल देरहादोंमोन। 2018 आवनो गल्ड कस्टयाव खु'नाय

कमनवेलथ गेम्सआव बिकासआ गल्ड मेडेल देरहादोंमोन। 2011 याव वर्ल्ड सेम्पियनसिपआव बियो ब्रन्ज मेडेल देरहादोंबाय। बेनि अनगायै बिन मुडा एसियाण सेम्पियनसिपनि मिडिलवेट सारियाव सिल्भार आरो ब्रन्ज मेडेल देरहादोंबाय।



## इउर' काप 2020नि मोनसे बादायलायनायाव क्रएसियाआ स्कटलेन्डखौ 3-1 गलाव फेजेन्दों

ग्लासा, 24 जून : जोबथा इउर' काप गेलेनाय केपेन लुका मौड्रिकनि मोजाडेदिन्थि फुनायनि मदतजों क्रएसियाआ स्कटलेन्डखौ 3-1 जों फेजेनाने इउर'प कापनि जोबथा 16 याव जायगा आवग्रिनो हाबाय। मौड्रिकआ 62 मिनटआव गल सोदों। बेनि अनगायै 3 बोसोर सिगां फिफानि नम्बर 1 गेलेगिरि सायख'जानाय मौड्रिकआ टीमनि थामथि खेब गल सोनायावबो हेफाजाव होदों। बियो 2008 आव

अस्ट्रियानि हेँथायै गल सोदोंमोन। बे देरहानायजों लोगोसे क्रएसियाआ गुप डि आव नैथि सारिआव थादों आरो बियो फेनो गोनां समबाराव केपेनहेगन आव गुप इ नि लेडाइ देरहागिरिजों बादायलायगोन। क्रएसियानिफ्राय ब्लासिकआ 17 मिनटआव गल सोनाने टीमखौ आवगय होदों। गिबि हाफआ जोबनायनि माखासे सम सिगां स्कटलेन्डनिफ्राय के लम मेक्रेगरआ 42 मिनटआव गल सोनाने स्करखौ समान

खालामदों। नैथि हाफआव स्कटलेन्डआ मोजाडे गेलेनायनि सिनारथिखौ होदों आरो मौड्रिकआ 62 मिनटआव गल सोनाने टीमखौ आरोबाव आवगय होसिनबावदों। बेनि माखासे समनि उनाव पेरिसिकआ 77 मिनटआव गल सोनाने टीमखौ 3-1 जों देरहादों। थि समसिमाव स्कटलेन्डआ फेफिननो हायाखै आरो बियो जेन्नायजों मोगा मोगि जानादों।

## निउजिलेन्डआ गिबि आइसिसि वर्ल्ड टेस्ट सेम्पियनसिपखौ देरहाबाय

साउथैम्पटन, 24 जून : निउजिलेन्ड टीमआ आइसिसि वर्ल्ड टेस्ट सेम्पियन जाबाय बियो साउथैम्पटनआ गेलेनाय फाइनालआव टीम इन्डियाखौ 8 उइकेटजों फेजेन्दों। 91 बोसोरनि जारिमिनआव निउजिलेन्ड टीमआ गिबि खेब आइसिसि वर्ल्ड काप देरहादों। गिबि टीमआ 10 जानुवारी 1930 आव गावनि गिबि मेचखौ इलेन्डनि हेँ थायै गेलेदोंमोन। बे समनिफ्रायनो वर्ल्ड कापखौ देरहानो हायाखैमोन। आइसिसिआ गिबि खेब पार्थ टेस्ट सेम्पियनसिप एबा टेस्टनि वर्ल्ड काप टुर्नामेन्टखौ जागायजेन्दों। गिबि बादायलायनायाव 5 आरो नैथि



बादायलायनायाव 7 उइकेट प्लेयार अफ दा मेच निउजिलेन्डआ नैथि खेब लानाय काइल जेमिसनखौ सायख'नाय जादों। लोगोसेनो आइसिसि टुर्नामेन्टनि

प्लेयार अफ दा मेच निउजिलेन्डआ नैथि खेब लानाय काइल जेमिसनखौ सायख'नाय जादों। लोगोसेनो आइसिसि टुर्नामेन्टनि

फाइनालाव भारतीय टीमखौ फेजेन्दों। बेनि सिगां 2000 नि सेम्पियनसिप टुफी (वानडे फर्मेट) नि फाइनालयाव भारतखौ 4 उइकेटजों फेजेन्दोंमोन। टेस्ट सेम्पियनआव निउजिलेन्डनो 16 लाख डलार (11.71 कौटि रां) नि बान्थाखौ होनाय जादों। फाइनालाव जेन्नाय टीम इन्डियाआ 8 लाख डलार (5.85 कौटि रां) मोन्दों। निउजिलेन्डआ बान्थानि रांजों लोगोसे टेस्ट सेम्पियनसिपनि बिमुंखौबो मोनदों।

## इउर' 2020 : गरनै गल सोनानै जारिमिन सोरजिनायनि खाथियाव सौहैबाय क्रिस्टियान रनाल्डआ

बुडापेस्ट, 24 जून : फ्रान्सनि हेँथायै 2-2 जों ड्र जानाय मेचआव गरनै गल सोनानै क्रिस्टियान रनाल्डआ बयनिखुइबो बांसिन इन्टारनेसनेल गलसे सोनो हानाय इराननि बारग' स्ट्राइकार आली देइनि समान खालामबाय। बे ड्रजों लोगोसेनो पुर्तुगालआ इउर'पियाण फुटबल सेम्पियनसिपनि जोबथा 16 आव सौहैनो हादों। रनाल्डआ आलीजों समान 109 इन्टारनेसनेल गल जाबाय। बियो गरनैबो गलखौ पेनाल्टिन सायाव सोदों।



इउर' सेम्पियनसिपआव बियो गासै 14 था गल सोनो हादों। रनाल्डआ पुर्तुगालनि थाखाय गिबि गलखौ 17 बोसोर सिगां इउर' 2004 आव सोदोंमोन, जेराव बिन टीमआ गुप राउन्डयाव इउनायजों 1-2 जों जेन्दोंमोन। फ्रान्सनि गरनै गलखौ करीम बेनजिमाआ सोनो हादों, जाय टुर्नामेन्टआव बिन गिबि गल सोनाय। बियो इउर' 2008 आरो 2012 याव गल सोनो हायाखैमोन। अक्टबर 2015 नि उनाव फ्रान्सनि थाखाय बेयो बिन गिबि गल सोनाय। पुर्तुगाल

गुपआव थामथि सारियाव थादों जेराव जार्मानीआ नैथि आरो

फ्रान्सआ गिबि थाखोआव थादों। फ्रान्सआ इयुनाय सुइजरलेन्डजों

जेराव पुर्तुगालआ बेलजियामजों बादायलायगोन।

गोदान दिल्ली, 24 जून : टीम इन्डियाखौ आइसिसि वर्ल्ड टेस्ट सेम्पियनसिपनि फाइनालाव निउजिलेन्डआ 8 उइकेटजों फेजेन्दों। टीम इन्डियाआ खनै बादायलायनायाव अलआउट जादों। बियो गिबि बादायलायनायाव 217 रान आरो नैथि बादायलायनायाव 170 रान बानायदों। टीमनि टप-5 बेटसमेन्टफोरा फुरायै फ्लप जादों। गुबुन फार्सिथिजाय निउजिलेन्डनि केपेन केन उइलियम्सनजों लोगोसे गुबुन बेटि खालामग्राफोरा मोजाडे गेलेनाने दिन्थिदों आरो भारतीय बेटि खालामग्राफोरनिफ्राय जेब्लाबो आगानसे आवगयनो हादों। लोरबां टप अर्डरजों लोगोसे भारतखौ टेस्ट सेम्पियन जानायखौ जेना गोनां नुदोंमोन। थांनय 1 बोसोरनि रेकडखौ नोजोर होब्ला, बे मेचआव भारतनि टप-5 बेटि खालामग्राफोरा फ्लप जादों। वर्ल्डनि टप-10 बेटि खालामग्राफोरनि गेजेराव सासेबो



भारतीय गैया। बे समाव इन्डियान प्लेयार्सफोरनि गेजेराव रहित शर्मायाल' 500 निफ्राय बांसिन टेस्ट रान बानायनो हादों। थांनय 1 बोसोरव रहित शर्माजों लोगोसे शुभमन गिलआ 15 थि बादायलायनायाव अपेनि खालामदों। बे समाव सानैनि जराआ 100 रान खालामनो हायाखै। सानैनि जराआ 71 रानल' बानायदों, जायखौ अस्ट्रे लियानि हेँ थायै

सिडनीआव बानायनाया जादोंमोन। रहितआ थांनय 1 बोसोराव 7 टेस्ट मेच गेलेदों, जेराव बयनिखुइबो बांसिन 538 रान बानायदों, बे समाव 100 रान बानायनाने इलेन्डनि हेँ थायै चेन्नाइयाव 161 रान बानायदों। शुभमन गिलनि दिन्थिफुनायाबो टीमखौ देरहा होनो हायाखै। बियो 8 टेस्टयाव 414 रान बानायदों। नाथाय गुबुन हादतआ बिन दिन्थि फुनाया

मोजां जादों आरो टेस्टयाव 51.80 नि जौखोन्दोनिफ्राय 259 रान बानायनो हादों। केपेन बिराट कहलीआ गिबि बादायलायनायाव 44 आरो नैथि बादायलायनायाव 13 रान बानायदों। बिराटआ 6 टेस्टआव 307 रान बानायदों। नाथाय बे समाव बियो 100 रान बानायनो हायाखै। 3 खेब 50 रानल' बानायनो हादों। बे समाव बिन बेस्ट स्करआ 74 रान जादों।